

03. ჯავახიშვილი.

სოციალური
გრძოლის ისტორია
საქართველოში

IX—XIII საუკუნეები

18.587
2

სახელმწიფო უნივერსიტეტის გამოცემობა

სპეც-2000
შემოზღვაულია

ქორექტორი ვ. გიორგობიანი
წარმოებას გადაეცა 2/VII-34
დასაბეჭდ. ხელმოწ. 16/VIII-34

მთავლიტის რწმუნ. № 19
შეკვეთა № 230
ტირაჟი — 3.000

ს ა რ ჩ ე ვ ი

შინასიტყვაობა	გვ. I
სარჩევი	„ II
შემოკლებული ან ქარაგმიანი სათაურების განმარტება	„ III
თავი პირველი. ეკონომიურ ნიადაგზე აღმოცენებული უთანხმოებისა და ბრძოლის ანარეკლი IX – X ს. ს. საისტორიო თხზულებებში.	1
თავი მეორე. მემამულისა და მონასტრის მიწების მითვი- სების ცდა სოფლის მოსახლეობისაგან.	6
თავი მესამე. უთანხმოება და ბრძოლა საეკლესიო მისა- ცემლების გამო ანისის ქართველთა და ქალკიდონიან სომეხთა მრევლსა და სამღვდელოებას შორის 1218 წ.	9
§ 1. ამ ამბის შემცველი წყარო: ეტიფანე კათოლიკოზის 1218 წ. განაჩენი.	9
§ 2. ანისის ქართველთა და ქალკიდონიან სომეხთა მრევლსა და ხუცესთა შორის ამტყდარი ბრძოლის მიზეზი და მიმდინარეობა. 11	
§ 3. ეტიფანე კათოლიკოზის მიერ 1218 წ. ამ უთანხმოების გარჩევა და მსჯავრის დადება.	13
§ 4. ეტიფანეს განაჩენში მრევლის მისაცემელთა შორის დანახელებული წალებას, საჭირავისა და შოლტის რეალური მნიშვნელობა.	17
თავი მეოთხე. ბრძოლა საქართველოს ეკლესიასა და მთავ- რობას შორის საეკლესიო მიწების გამო.	21
§ 1. ეკონომიურ-ტინანსიური კრიზისი საქართველოში XIII ს. შუა ათეულებში.	21
§ 2. მთავრობის ღონისძიება ამ კრიზისის შესანელებლად, მისი არსება, დანიშნულება და უფლებრივი საფუძველი.	24
§ 3. ამ სოციალურ-ეკონომიური გეგმისა და ღონისძიების თაოსანის ვინაობა.	28
§ 4. მთავრობის მოქმედებით გამოწვეული საეკლესიო უწყების გულისწყრომა და ბრძოლა მის გასაქარწყლებლად.	33
§ 5. ბრძოლით დამყარებული ვითარება მაშინდელ საქართ- ვოლოში.	38
§ 6. 1263 წ. საეკლესიო კრების დადგენილება, მეფისადმი წარდგენილი მოხსენება და ულტიმატუმი	40
§ 7. შურისძიება მარცხისათვის.	55

II

შემოკლებული და ქარაგმიანი სათაურების განმარტება.

И. А. Н. — Известия Академии Наук (რუსეთის სამეცნიერო აკადემიის უწყებანი).

საისტ. მოამბე—საისტორიო მოამბე. საქართველოს ცენტრალური ინსტიტუტის ორგანო.

ქადი—თ. უორდანია, „ქრონიკები და სხვა მასალები.“

ქლი—ქართული.

ცა გვლი ხანძთელისაა — ცხორებაა გრიგოლ ხანძთელისაა,
პროფ. ნ. მარტინის გამოცემა.

ცა სრპნ ზრზმლსა — ცხორებაა სერაპიონ ზარზმელისაა,
მ. ჯანაშვილის გამოცემა.

მ ი ნ ა მ დ ე ბ ა რ ე.

წინამდებარე წიგნი დამოუკიდებელი ნაშრომი კი არ არის, არამედ ამოღებულია ჩემი „საქართველოს ეკონო-
მიური ისტორიის“ ჯერ გამოუქვეყნებელი სათანადო წიგ-
ნებითგან. ამიტომ მისი შინაარსის მთელი სისრულით გა-
საგებად აქა-იქ იმ ცნობების გათვალისწინება იყო საჭი-
რო, რომელიც იმ წიგნებში მომეპოვება. მაგრამ, რაკი
„საქ. ეკონ. ისტორიის“ ბეჭდვა ფერხდება და იმ წიგნების
გამოქვეყნებას, საითვან სოციალური ბრძოლის IX—XIII
ს. ს. ამბები მაქვს ამოღებული, როგორც ჩანს, ჯერ კი-
დევ ბევრი დრო მოუნდება, საქართველოს ზოგადი ისტო-
რიისათვის-კი ამ ფაქტების ცოდნაა საჭირო, ამიტომ ამ
ნაწილების „საქ. ეკონომ. ისტორიითგან“ დროებით ამოღე-
ბა და ცალკეულ პატარა მონოგრაფიად გამოქვეყნება ვამ-
ჯობინე. რაკი იგი დიდი წიგნის მხოლოდ პატარა ნაწი-
ლია, ბუნებრივია, რომ მას მთლიანობა აკლდეს, მაგრამ
სხვა გზა არ იყო. იმედი მაქვს, რომ ამ სახითაც აქ მო-
თხრობილი ამბები მკითხველისათვის საინტერესო იქნება,
საქართველოს XIII ს. შესწავლასაც, რომლის შე-
სახებ „ქართ. ერის ისტორიის“ III წიგნის გამოქვეყნება
აქამდის ვერ მოვახერხე, ცოტად მაინც ხელს შეუწყობს.
ვითარება „საქ. ეკონ. ისტორიის“ ნაწილი, წინამდებარე
წიგნში მონათხრობი ტფილ. სახ. უნივერსიტეტისაც
1918—1928 წ-მდე არა ერთხელ და საისტორიო საზო-
გადოებაშიც ორი მოხსენების სახით მქონდა წაკითხული.

“ვ. ჯავახიშვილი.

თ ა ვ ი პ ი რ ვ ე ლ ი.

მკონილი ნიადაგზე აღმოცხვებული უთანხოებისა და ბრძოლის ანარეპლი IX—X ს. ს. საისტორიო თხზულებები.

„ქართული სამართლის ისტორიაში“ მოთხრობილი გვაქვს იმ ხანგრძლივი საყურადღებო ბრძოლის მიმდინარეობა, რომელიც საქართველოში IX—XII ს. ს.-ში იყო როგორც წოდებრივობის გარშემო, ისევე ხელისუფლების გამოც (იხ. წიგნი II, ნაკვეთი 2, გვ. 63—107, 123—186). იქვეა აღნიშნული მაშინდელი იდეალებიცა და მოძღვრებაც საკუთრებასა და შრომაზე (გვ. 33—62 და 92—107). ეკონომიურ ნიადაგზე აღმოცენებული უთანხმოება და ბრძოლა-კი „საქართველოს ეკონომიურ ისტორია“-ში გვაქვს განსახილველი. მაინც გასაშუქრებლად უხვი ცნობების იმედი არ შეიძლება რომ ადამიანს ჰქონდეს. უნდა გვახსოვდეს, რომ საისტორიო ოხშულებებში, თუ საერთო იყო, ავტორებს მიზნად მაშინდელი პოლიტიკური ამბების მოთხრობა ჰქონდათ დასახული, ხოლო, თუ საეკლესიო იყო, არც მათ დამწერთ, არც მათ წამკითხველთ, ცხადია, მაინც დამაინც სოციალური ბრძოლის ამბები არ აინტერესებდათ. ამიტომაც არის, რომ ასეთ ძეგლებში ამ საკითხის შესასწავლად იშვიათად თუ მოიპოვება ხოლმე ცნობები.

ეკონომიურ ნიადაგზე აღმოცენებულ უთანხმოებასა და ბრძოლაზე ყველაზე მეტად ცნობები, რასაკვირველია, საბუთებში იქნებოდა, მაგრამ სამწუხაროდ X ს.-დე ჯერ არც ერთი საბუთი არა ჩანს გადარჩენილი და XI ს.-ითგანაც ძალიან ცოტაა შერჩენილი. მით უფრო ძირ-

ფასია ყოველი ცნობა, რომელიც ამა-თუ-იმ ძეგლში, თუ საბუთში მოგვეპოვება. მაგრამ ეს რამოდენიმე ცნობაც აქამომდე შეუმჩნეველი და გამოუყენებელი იყო.

ზემოაღნიშნულ გარემოებათა შემდგომ, ვგონებ ცხა-
დი უნდა იყოს, რომ ქვემოთ XI—XII ს.-მდე შესაძლე-
ბელია სოციალური ბრძოლის მხოლოდ ცალკეულ ეპიზო-
დებზე იყოს საუბარი.

მონასტრების დამარსებელთა ცხოვრების ავტორებს აღნიშნული აქვთ, რომ ჩვეულებრივ ერის-კაცნი, მეტადრე სხვილი მემამულე აზნაურნი, ახალი მონასტრების აგე-
ბასა და სამონასტრო მეურნეობის აღორძინებას ყო-
ველნაირად უწყობდენ ხელს. უფრო ნაკლები ცნობები მოიპოვება მდაბიო ხალხის განწყობილების შესახებ, მაგ-
რამ აქაც ჩვეულებრივ თანაგრძნობაზეა ხოლმე საუბარი.
ასეთ შემთხვევაში-კი, უეჭველია, ინტერესთა წინააღმდე-
გობის გამო, ზოგჯერ შესაძლებელი იყო უთანხმოება და მტრობაც-კი ჩამოვარდნილიყო, რაოგან, ცხადია, რომ,
რაც უნდა ძლიერი ყოფილიყო ქრისტიანული რწმენა, რო-
დესაც მონასტრის გაშენება მათ რამე განსაცდელს უქად-
და, ეს გრძნობა მათი ეკონომიკური ინტერესების შელახვით
გამოწვეულს გულისწყრომას ვერ დახშავდა. მართლაც,
მახლობლად მდებარე დაბა-სოფლების მქონდრთ შორის
მონასტრების გაშენებას ყოველთვის აღტაცება არ გა-
მოუწვევია.

ამის გამომმეღავნებელი ორიოდე ამბავი ბ. ზარზ-
მელს აქვს მოთხოვნილი.

იმ მიწა-წყლის პატრონმა მთავარმა, სადაც სერა-
პიონი თავისი მონასტრის გაშენებას აპირებდა, თურმე სე-
რაპიონს განუცხადა: „მე არა მშურს ადგილი ესე“ და
იმაზე უკეთეს აძლევდა კიდევაც (ც ა სრპ-ზრზ-მლსა, 14).
ის თურმე ეხვეწებოდა: „არიან ადგილი მრავალნი და კე-
თილნი და ნაშენებითა დონიერნი“, სადაც თქვენ „ადგილი

და შესავალნი და ყოველი საკმარი უხუებით გექმნებათო (იქვე, 15). ამ მთავარმა თავის ხელქვეითებს უბრძანა კი-დეც: სადაც-კი რა მოეწონოთ, ამ ბერებისათვის მიწყა-ლობებია და, რაც-კი „განთიაღითგან ვიდრე მწუხამდე შე-მოწერით შემოვლონ, მიმიცემია მათდა“-ო (იქვე, 15).

მაგრამ იქაური მცხოვრებნი, მონადირენი და ზო-გიერთი სოფლელნი, სრულებით ასეთი სტუმარომოვარე და ბერთა-მოტრფიალე არ აღმოჩენილან. საკმარისი ყო-ფილა, რომ სერაპიონსა და მის თანამგზავრებს სამონასტ-როდ ადგილი დაბა ძინძეთის ტყეში ამოერჩიათ და მცირე ტალავრის, ანუ კარავის შენება დაეწყოთ, რომ სოფლე-ლებს მაშინვე მათთვის წინააღმდეგობა გაეწიათ. ისტორი-კოსის სიტყვით, „ეუწყა რაჲ უფალსა მის დაბისასა, ვი-თარმედ უცხოთა ვიეთთამე მონაზონთა ნებაგს აღგილსა მას აღშენებად მონასტერი“, ეს ამბავი მასაც და იქაურ მცხოვრებლებსაც, თურმე, ვერაფრად მოსწონებიათ, მათი იქ ჩასახლებაც სრულებით არ სდომებიათ, ეს „მათ არა ინებეს“-ო.

ბ. ზარზმელის სიტყვით, ასეთი არაჩეულებრი-ვი ამბავი ვითომე მხოლოდ იმიტომ უნდა მომხდარიყო, რომ ამ დაბის პატრონი და მცხოვრებნი „იყვნეს ყოვლი-თურთ მკეცებრივ, უწირავ და ბოროტ“. მათი მტრული განწყობილების ნამდვილი მიზეზი კი, რასაკვირველია, ის ბუნებრივი შიში იქნებოდა, რომ მონასტერს მთელი მახ-ლობელი მიწაწყალი, მათ შორის მათი საკუთარი აღგი-ლებიც, ხელთ არ ჩავარდნოდა.

ალსანიშნავია, რომ სოფლელთა მტრული გრძნობა და აღშფოთება იმდენად დიდი ყოფილა, რომ, ბ. ზარზ-შელისავე ცნობით, ბერთა იქ დასახლების წაღილის გამო, „ზედა მიეთევნეს მათ“, ბერებს მივარდნენ ისე, რომ ისინი იძულებული ყოფილან იმ აღგილითგან „და-

საგალით მისა ვითარ თუ მილიონუ-ის¹ სიშორეზე
წასულიყვნენ „ადგილთა ყოვლად ტყე[ან]თა და უფალ-
თა კაცთა მიერ“ (ც-მ სრპ-ზ ზრზ-მლს, 8-9).

ასევე უკმეხად და მტრულად დაპერედრიან ადგილობ-
რივი მკვიდრნი ზარზმის პირველ დამაარსებელთ მაშინაც,
როცა ისინი „მიიწინეს შესაკრებელსა თრთა მათ წყალ-
თასა“, საღაც მდგარა „წისქვილი, სახლი რამე შესაკ-
რებელსა მას შუა წყალთასა, რომელსა საძმო ეწოდებო-
და“. როდესაც ბერებს სამონასტრო სამფლობელოს „გა-
რეშეწერით“ შემოსაზღვრა უნდოდათ, მაშინვე იმ დაბის
მცხოვრებთ წინააღმდეგობა გაუწევიათ. ეს შემთხვევა ერთ-
თანამგზავრთაგანს ასე აქვს აღწერილი: როდესაც „ჩუენ
გუენება“, რომ „გარეშეწერით შემოვლოთ სიმგრგულე
მათ ადგილთა . . . , გვხილნეს რამ კაცთა მის დაბა-
წისქვლისათა, იწყეს ყენებად ჩუენდა და, ვითარცა ცოფ-
ნი, წინარბიოდეს“ გზის გადასალობადაო (ც-მ სრპ-ზ
ზრზ-მლს, 16).

ცხადია, რომ ზემოაღნიშნული შემთხვევები ასეთი
უთანხმოებისა და მტრული განწყობილების ერთად-ერთი
მაგალითი არ იქნებოდა. ამაზეც ხომ არა გვეცოდინებოდა
რა, ბასილ ზარზმელს ეს ცნობები წმინდანის, სერა-
პიონ ზარზმელის, ცხოვრებაში რომ არ შეეტანა. ვინ იცის,
სხვა წმინდანთა და სამონასტრო, თუ საეკლესიო ქართველ
მოღვაწეთა ცხოვრების აღწერილობას რომ ჩვენამდის მოელ-
წია, ეგების რამოდენიმე კიდევ ასეთივე შინაარსის სხვა
ცნობებიც შეგვძენოდა. ამიტომ, თუ მომავალში ზოგი ამ
დაკარგულ წყაროთაგანი აღმოჩნდა, შესაძლებელია ამ სა-
კითხის გასაშუქებლად კიდევ ახალი ამბები გაგვეგო.

თუ ზემოაღნიშნულ გარემოებას გავითვალისწინებთ
და გვეხსომება, რომ მონასტრებსა და მახლობელ ადგილობ-

¹ მანძილის საზომის სახელია.

ეკლესიაშიც-კი შეჭრილა და უკმაყოფილების ნიშნად, ხან, ზოგ ეკლესიაში, თურმე მრევლი არ დაღიოდა თავის მოძღვრის წირვა-ლოცვაზე, ზოგან კიდევ, სამწყსოზე სასურველი გავლენის მოსახდენად და მაღალ ნიხრზე დასათანხმებლად, თვით ხუცესი აკლებდა ხოლმე მრევლს წირვა-ლოცვას.

§ 3. ეტიუანი კათოლიკოზის მიერ 1218 წ. ამ უთანხმოვაზის
გარჩევა და მსჯავრის დადგენა.

ამ გამწვავებული ურთიერთობისა და ბრძოლის მოსპობა მხოლოდ გარეშე, ავტორიტეტით მოსილს, პირს შეეძლო და საქმემ თვით საქართველოს კათოლიკოზამდე მიაღწია კიდევ. 1218 წ. რომეტიუანე კათოლიკოზი ქართული ეკლესიების საკურახევლად ანისში ჩაბრძანებულა, იქ ამ უთანხმოების გარჩევას შესდგომია და თავისი განაჩენიც დაუდვია. საფიქრებელია, რომ პირადად თვით კათოლიკოზის ანისში ჩასვლას მიზნად იმდენად ახალი ეკლესიების კურახევა არ უნდა ჰქონოდა, რამდენადაც ამ ატეხილი უთანხმოების გარჩევა და მოგვარება. ანისში ჩასვლისა და საქმის მთელი ეითარების გაგებისთანავე კათოლიკოზს უყოფანოდ სამწყსოსთვის დაუჭერია მხარი და ანელ ხუცესთა ქცევა მკაცრად დაუგმია¹. თავის განაჩენას და წაშერაში მას პირდაპირ აქვს ნათქვამი: როგორც ლმერთს, იესო ქრისტეს, ნაბრძანები აქვს, „უსასყიდლოდ მიგილიეს, უსასყიდლოდ მისცემდით“—ო, თუ თქვენთვის „მე უსასყიდლოდ მომიცემიეს, არცა თქუენგან ჯერ არს სყიდვაა. ლოცვათა ერისა მიმართ“, —ისევე, ამ მცნების თანახმად, ლოცვისათვის მღვდელმა არაეთარი სასყიდელი არ უნდა აიღოს. მით უმეტეს „უკოდად უწესო არს აღებაა თქუენგანცა“

¹ გასაოცარია, რომ პროფ. ნ. მარრი ამტკიცებდა, უითომც კათოლიკოზი ეტიუანე არც ერთ მხარეს არ მიკმხრობოდეს (იხ. op. cit., გვ. 1440).

ვუირგუინთა კურთხევისათუის ასისა დრამისა“ და ამ-
დენისავე მკვდრისათვისაო.

ამაზე მეაფიოდ და მკაცრად ანელ ხუცესთა მოქმედების
დაგობა წარმოუდგენელია. ისიც-კი გასაკვირველია, რომ
საქართველოს ეკლესიის მწყემსთავარმა მღვდლები ასე მოუ-
რიდებლივ და საჯაროდ გაკიცხა და მათ ქცევას „ყოვ-
ლად უწესო“ უწოდა! ანისის ქართველთა და ქალკიდო-
ნიან სომეხთა სამწყსოს კათოლიკოზის ამ სიტყვებში რასაკ-
ვირველია შეეძლო ანელი მღვდლების გაეკცხა ამოეკითხა
და თავი ზნეობრივად მაინც დაკმაყოფილებულად ეგრძნო.

ამ მეაფიო განცხადების შემდგომ, ეტიფანე კათოლი-
კოზი ორსავე მხარეს იგონებს, რომ მოძღვარ-სამწყსოს
შორის სიყვარულზე დამყარებული ურთიერთობა უნდა სუ-
ფიცილეს: „ყოველსა ზედა უფროსად სალმრთო იგი სიყუა-
რული ერთმანერთისაც მოიგეთ და ამით მიეცით სასურ-
ეო სალმრთოთა მცნებათად-“ო. ქრისტიანობის ამ უზენაე-
სი მცნებისდა თანახმად, კათოლიკოზი ორსავე მოწინააღმ-
დები მებრძოლ მხარეს სთხოვდა: მრევლო, ხუცესნი
„ოქუენ გიყუარდენ, ვითარცა მამანი სულიერნი, და მათ
უყუარდით, ვითარცა შვილნი“-ო.

მაგრამ ეტიფანეს, როგორც ჩანს, კარგად ესმოდა,
რომ იქ, სადაც ურთიერთობაში ფულის ანგარიში იყო
გარეული, და მას შემდგომ, რაც ხუცესთ თავიანთი ნიხ-
რის ქვალობაზე მრსაცემლის მისაღებად „დაკირებას“
მიპართეს, წინანდელი „მამაშვილური“, სათნო დამოკი-
დებულების აღდგენა მარტო ცარიელი დარიგებითა და
მუდარით არ შეიძლებოდა. მეორეს მხრით, შისთვის ისიც
ცხადი იყო, რომ სახარების მცნება სამღვდელო მოვალეობის
უსასყიდლოდ ასრულების შესახებ იმ დროს და კარგა ხა-
ნია წინათაც უკვე მიუწდომელ იდეალად იყო ქცეული. თუ
ეტიფანე კათოლიკოზმა ანელ მღვდლებს ეს მცნება მაინც
მოაგონა, მხოლოდ იმ მიზნით, რომ მათვის მათი ნიხრის

რიგ მოსახლეობას შორის ზოგჯერ ეკონომიურ ნიადაგზე აღმოცენებული უთანხმოება და მტრობაც-კი ყოფილა, მა-შინ შესაძლებელია ზოგი აქამდე გაუგებარი ცნობაც გა-საგები გახდეს. მაგალითად, საფიქრებელია, რომ გრი-გოლ ხანძთელის მოწინააღმდეგემ და დაუძინებელმა მტერ-ია, უკანონო გზით გაეპისკოპოზებულმა, ცქირმაც ხანძ-თის მონასტრისა და აღგილობრივ მცხოვრებთა ეკონომიურ ინტერესთა წინააღმდეგობითა და უკმაყოფილებით ისარ-გებლა, როდესაც მან იმ დროისათვის იმდენად არაჩვეუ-ლებრივი და მკვრეხელობად მიჩნეული საქმე მოაწყო, რომ „შეკრიბა ერი ანჩისაც და წარავლინა დარღვევად ხანძ-თისაც“. წაქეზებული სოფლელნი თურმე „აღმოსვლასა ოდენ მზისასა მივიდეს“ ხანძთას მონასტრის დასანგრევად (გ. მერჩული, ცა გვლენდ თლსა, გვ. ატ, სტრ. 46—50).

ანჩელთა ასეთი, იმ დროისათვის სრულებით გაუ-გონარი, განზრახვა და გადაწყვეტილება მათს უკიდურეს გულისწყრობასა და მღელვარებას ამჟღავნებს. ცქირს ხალ-ხის მონასტრისადმი სამტროდ ასე სწრაფად აყოლიება არ შეეძლო, რომ ამისთვის ნიადაგი უკვე მომზადებული არ ყოფილიყო. ანჩელთა გადაწყვეტილების დაუნდობელი სიმ-აცრე გვაფიქრებინებს, რომ აქაც მტრობა აგრძარულ ნია-დაგზე უნდა ყოფილიყო აღმოცენებული.

მონასტრებსა და თვით მათ შეძლებულ მეზობლებს შორისაც ყოველთვის კეთილი განწყობილება არ ყოფილა. ამას თუნდაც ის ერთი საგულისხმო ცნობაც ამტკიცებს, რომელიც გ. მერჩულს აქვს მოთხრობილი. მისი სიტყ-ით, გრიგოლ ხანძთელის მოწაფის „ხანძთას ეპიფანის ამობასა იყო ვინმე კაცი მდიდარი ანკუორას“, რომელ-

ც სახელად თურმე წერტა ეწოდებოდა. მას თხები ჰყო-ლია და სადაც „თხათა მისთა სადგური ყოფილ არს“, იმას წემდეგშიაც, ჯერ კიდევ გ. მერჩულის დროსაც-კი, „წერტახსნი“ ჰრქმევია. გრ. ხანძთელის ცხოვრების აღმ-

წერელს აღნიშნ ული აქებს, რომ „მას უამსა კაცი იგი მო-
მონაზონთათვს მქსინგარედ იყო“ (გვ. პა, § პე). ბერებზე
გადამტერება შესაძლებელია ოხათა საძოვრების გამო ყო-
ფილიყო ამტყდარი.

თ ა ვ ი ვ ი რ ე.

**მემამულისა და მონასტრის მიწვების მითივისების ცდა
სოცლის მოსახლეობისაგან.**

თუ ამ ხანაში, როდესაც, როგორც ცნობილია, ეკლე-
სიას ხალხზე უდიდესი გავლენა პქონდა, მაინც მოსახლეო-
ბასა და მონასტრებს შორის ეკონომიურ ნიაღაზე უთანხ-
მოება და მტრობაც-კი ჩამოვარდნილა, ცხადია, რომ წო-
დებათა და კლასთა შორისაც ამავე მიზეზით მაშინდელსა
და მერმინდელ საქართველოში უთანხმოებაც არა ერთხელ
შოხდებოდა, ბრძოლაც გაჩაღდებოდა და მტრობაც იქმნე-
ბოდა ჩათესლებული. მაგრამ, იმდროინდელი წერილობი-
თი ძეგლების მომეტებული ნაწილის დალუპვილობისა და
გადარჩენილ ხელთნაწერთა ჯეროვნად შეუსწავლელობის
გამო, ზემოაღნიშნული მოსაზრების დამადასტურებელი
მაგალითი, ერთს გარდა, ჯერჯერობით არ მოვევპოვება.
იმ ერთადაც კორიდეთის სახარებაში მინაწერის სახით და-
ცულს იმ საბუთს ვგულისხმობ, რომელზედაც „ქართული
სამართლის ისტორია“-ში უკვე მქონდა სისხლის სამართ-
ლის თვალსაზრისით საუბარი (იხ. II, 2 ნაკვ., გვ. 313--315).
იქვე მოყვანილი ამ საბუთის მოელი ტექსტიც, ისე რომ
მისი გამეორება აქ აღარ დაგვჭირდება.

ს. კორიდეთის მახლობელ პატრონს მურვანს ს. თიხ-
ჩეთში მამული პქონია, რომელიც, როგორც ჩანს, უკაც-
რიელი ყოფილა. ეს უძრავი საკუთრება მურვანს კორიდე-
თის მონასტრისათვის შეუშირავს იმ პირობით, რომ მისთ-

ეისა და აგათისათვის, რომელიც საფიქრებელია მისი მეუღლე იქნებოდა, სამარადისო ხენება და აღაპი გადაეხადათ. ამ შეწირულების უფრო მეტი დაცულობისა და დაუკარგველობისათვის, მურვანს თავისი შეწირულობის წიგნი კორიდეთის სახარებაში დაუწერელ თავისუფალ ფურცელზე დაუწერია. თავითგანვე, თუ შემდეგში, ამ შეწირული მიწებით თურმე ს. თიხეთის მცხოვრებნი სარგებლობდენ, რა თქმა უნდა, გარკვეული ყოველწლიური გამოსალებლით. მაგრამ შემწირველის შვილის შვილისა, ან და სხვა ერთერთი შთამომავლის, მურვანადვე სახელდებულის, დროს თიხელებს ეს მიწები მოულოდნელად თავიანთ საკუთრებად გამოუცხადებიათ. კორიდეთის მონასტერს რომ თავისი შელახული უფლება აღედგინა და სასამართლოში დაემტკიცებინა, რომ მითვისებული მიწები, შეწირულების გზით მიღებული, კორიდეთის მონასტრის ქონებაა, უნდა თვით შეწირულობის წიგნის დედანი წარედგინა: მაგრამ, როდესაც ბერებს კორიდეთის სახარება, სადაც ეს საბუთი იყო ჩაწერილი, ხელში აუღიათ და გაუშინჯიათ, შეწირულობის წიგნი ვეღარ უპოვიათ: მთელი ფურცელი ამოჭრილი და მოპარული ყოფილა.

რაკი შეწირულობის წიგნი მოპარული აღმოჩნდა და შეწირული მიწაც მონასტერს უნდა დაკარგოდა, ამიტომ, ან შემწირველის კანონიერ მემკვიდრეს მონასტრისათვის თავისი წინაპრის შეწირულების უცილობელი მფლობელობის საშუალება უნდა მიეცა, ან და მონასტერი მისი წინაპრის საუკუნო სახსენებელს მოსპობდა. ქართული სამართლით, შეწირულება შენაწირევის მიმღების მხოლოდ პირობითს ქონებად ითვლებოდა, საკუთრების უფლება-კი შემწირველის მემკვიდრეებს ეკუთვნოდათ (იხ. ჩემი „ქართ სამართ. ისტ.“ II, 2 ნაკვ., გვ. 437–438 და 409–411). მურვანსაც ამ საქმეზე უნდა თავი გამოედვა.

მურვანი-კი რომ ამ საქმის გამორკვევას შესდგომია, ცხადი გამხდარა, რომ შეწირულების წიგნის ამოქრა და მოპარვა ს. თიხჩეთის მთელი მოსახლეობის გადაწყვეტილებით უნდა ყოფილიყო მოწყობილი იმ მიზნით, რომ ამ მიწების სოფლისაგან დაპატრონებისა და საკუთრებად გამოცხადების წინააღმდეგ არც მონასტერსა და არც შემწირელის მემკვიდრეს სასამართლოში წერილობითი საბუთის წარდგენის საშუალება არ ჰქონდა. ამნაირად ავ შემთხვევაში მემამულის მიწების გლეხთაგან დაპატრონების მცდელობა ყოფილა.

რაკი საბუთის ამოქრა და მოპარვა მთელი სოფლის თაოსნობით ისე საიდუმლოდ ყოფილა მოწყობილი, რომ მურვანს ამის ფიზიკური ამსრულებელის ვინაობის გამორკვევა ვერ მოუხერხებია, მთელი სოფლის წინააღმდეგ მოქმედება-კი მურვანს, როგორც ჩანს, არ მოუსურვებია, თუ ვერ გაუბედნია, ამიტომ მურვანს თიხჩელებთან შეთანხმება უმჯობინებია. თიხჩელები მურვანის პირობებს დასთანხმებიან, რათგან თიხჩეთის ეს მიწები, ამ ახლად დადებული პირობის ძალით, ამიერითვან უკვე მათ ქონებად ხდებოდა მამულობით იმ პირობით, რომ მონასტრისათვის 50 ბოტინატი უნდა ეძლიათ სააღაპოდ, კორიდეთის მონასტერს-კი ეს ქონება უნდა სამარადისოდ დაეკარგა. თიხჩელებს უფლება ჰქონდათ მაინც კმაყოფილი ყოფილიყვნენ, რათგან, თუ ეს მიწები მოლიანად ვერ დაისაკუთრეს, უკვე უცილობელ ქონებად მიიღეს მაინც.

თ ა ვ ი ა ვ ს ა მ ი.

უთანემოება და ბრძოლა საეკლესიო მისაცემლების
გამო ანისის ჩართვებთა და ჩალკილონიან სომხეთა
მხევლსა და სამღვდელოებას შორის 1218 წ.

§ 1. ამ ამბო შემცველი ფფარო: ეტივანი კათოლიკოზის
1218 წ. განაჩენი.

1910 წელს ზაფხულში, ანისში გათხრის დროს,
აკად. ნ. მარრმა ქვებზე ამოჭრილი ქართული ასომთავ-
რული დიდი წარწერა აღმოაჩინა, რომლის ტექსტი ფო-
ტოტიპიური სურათით, რუსული თარგმანითა და პატარა
მოხსენებითურთ იმავე წელს რუს. სამეც. აკადემიის უწ-
ყებებში გამოაქვეყნა (იხ. Изв. Акад. Наук. 1910 წ. გვ.
1433--1441: „Надпись Епифания, Католикоса Гру-
зии“). ახლად ნაპოვნი ძეგლი ეტივანე კათოლიკოზის
1218 წ. განაჩენი გამოდგა. რაյკ სხვადასხვა ქვებზე ამოჭ-
რილი ეს გრძელი წარწერა, დაშლილი აღმოჩნდა, ამიტომ,
მიწითგან უკელა ქვების ამოღების შემდგომ, აკად. ნ.
მარრს ამ ქვების თავდაპირველი რიცისა და წარწერის
ტექსტის აღდგენა მოუხდა, რაც აღვილი საქმე არ იყო.
ქვების სათანადოდ დალაგებისა და წარწერის წაკითხვის
შემდგომ, უმოავრესი ყურადღება მან ამ ძეგლის პალეოგ-
რაფიულ დახასიათებას მიაქცია (გვ. 1433--1437). მეტე
მის მოხსენებაში ამ წარწერის ქართ. ტექსტი და რუს.
თარგმანია მოყვანილი (გვ. 1437--1439)და სულ ბოლოს ორ-
ნახევარ გვერდზე (1439--1442) მოქლედ ამ ძეგლის სხვა-
დასხვა-მხრივს მნიშვნელობაზეც არის ნათევამი. ასები-
თად ამ წარწერის შინაარსს აკად. ნ. მარრი არ შეჰ-
ებია, არამედ მხოლოდ ზოგადად აღნიშნულია, რომ ქართ.
ეკლესიის რეფორმების ისტორიისათვისაც საინტერესოა
(გვ. 1441).

იმისდა მიუხედავად, რომ ამ ძეგლის აღმოჩენის შემდგომ უკვე ბევრმა დრომ განვლო, იგი აქამომდე შეუსწავლელი და გამოუყენებელია, მას-კი იმდენად საქართველოს საეკლესიო რეფორმებისათვის არა, რამდენადაც სოციალური მოძრაობის ისტორიისათვის აქვს მნიშვნელობა.

რაյი რუს. სამეც. აკადემიის ის ორგანო; რომელ-შიც ეტიფანე კათოლიკოზის 1218 წ. განაჩენის ტექსტია დაბეჭდილი, ჩვენში ძნელი საშოვნელია, და რათგან იგი, როგორც აღნიშნული მქონდა, განსაკუთრებით საყურადღებო წყაროა, ამიტომ, რომ ეს ძეგლი ყველასათვის მისაწვდომი გახდეს, ამ წარწერის ტექსტი აქვე მომყავს მთლიანად ისევე, როგორც აკად. მარრს თავის ზემოდასახელებულ ნაშრომში გამოქვეყნებული აქვს.

ეტიფანე კათოლიკოზის 1218 წ. წარწერა:

- 1 იტყუს კმაა სამრითო: „უსასყიდლოდ მიგიღიეს,
- 2 უსასყიდლოდ მისცემდით“, ესე იგი არს, გეტყუს || ლმერთი უკვდავი: ჩემდა რა-მე გიცემიეს მადლისა მისთუს,
- 3 რომელი ჩემგან მიიღეთ? თქუენცა პყიდდით დიდსა || მადლსა ჩემგან უსყიდულსა. უკუეთუ მე უსასყიდლოდ
- 4 მომიცემიეს, არცა თქუენგან ჯერ არს სყიდად ლოც || ვათა ერისა მიმართ. აწ, სასონო ჩემო ანელნო ხუ-
- 5 ცესნო, ნუ იქნებით დასაპრკოლებელ || სიტყუათ და ნუ-ცა გარდაკლებით მოციქულთ მცნებასა ცუდისა და წარ-
- 6 მავალისათუს. ყოვლად უწეს || [ო] არს აღებაა თქუენ-
- 7 განცა გურგუნთა კურთხევისათუს ასისა დრამისა... || ... არსთ ძალი ედვას, პური აჭამოს. ეგრეთვე მკუდრისათუს,
- 8 რომელი ჭირს... || ...უფრო შესჭირდების მისისა სული-
- 9 საა. ეგდენივე ასისა ტფილურისა მიეცეს და... || პური აჭამოს და სხუად წალებად ძალისაებრად. ყოველი მისაცემელი
- 10 მღ[დელთა უბრკოლ] ებელი იყავნ თქუენდა მოსაცემლად.
- 11 მკუდრნო ამის ქალაქისანო ქართველნო. რ...ცა..[იგი] ||

პირველად დიდად პატივცემდით. მღდელთაგან ვიკ-
 12 მს ლოცვად და წირვად. ნუ გეწყინების მათუს ძა[ლი] // - ა
 საებრი მისაცემელი. უფროსად მხიარულებით მისცემდით
 13 თუნიერ დაჭირებისა. რამეთუ მხია[რ] // ულებით მი-
 საცემელი უყ<უ>არს ოვდალსა. და ოქუნ გიყ<უ>არდენ
 ვითარცა მამანი სულიერნი და მათ უყ<უ>არდით ვ[ითარ-
 14 ცა] // შვილნი სულიერნი. ლოცვასა ნუცა თქუნ დაკლ-
 დებით და ნუცა თქუნ. ყოველსა ზედა უფროსად საღმრ-
 15 თომ [იგი] // სიყ<უ>არული ერთმანერთისაც მოიგეთ და
 ამით მიეცით სასურვო საღმრთოთა მცნებათაც. ესე მე
 16 ეტით // ანეს კათოლიკოზსა ჩემითა კელითა დამიწერია,
 17 ოდეს ანის ეკლესიანი ვაკურთხენ. ტფილური ასი დრამა
 იგი იყოს: დანგი ერთი გ მიეცეს. და ზროხის ტყავი
 18 რომელ ერთობ წაგილია აქამდის, აწ საწირავად // ვი
 მისცემდით თუთო შოლტს. და ჩუნ საეკლესიოთა წეს-
 19 თაგან რად შევიცვალებით? ვინცა ესე ჩემი გა[გე] // -
 ბული შეცვალოს, არ... ბრძანებაც ღმრთისაგან და მის-
 თა წმიდათაგან ქორონიკონსა კლჲ.
 20 მუ. მუ. ხი თ! ყრწყორ ხე[ხეგავხა ხელ] ი[კა]-
 ული. ხი ჭანამ ამზრავ ჭალაჭხა ქლაქენქ, თრ
 ხაზელი ხელი არამანქ ხე...

§ 2. ანისის გართვებითა და გალკიდონიან სოხეთა მრავლ-
 სა და ხუცისთა მორის აგრძელარი ბრძოლის მიზანი და
 მიმდინარეობა.

1218 შ. ოდნავ ადრე ანელ ხუცესთ ქ. ანისის ქართ-
 ვილ და ქალკიდონიან სომებს სამწყსოსათვის საეკლესიო
 მისაცემლების ოდენობა გაუდიდებიათ: გვირგვინთა კურთ-
 ხევისა და მიცვალებულის დამარხვისათვის, მაგ., თურმე 100

დრამას თხოულობდენ და იღებდენ კიდევ. სხვა მისაცემ-ლებიც, როგორც ეტყობა, საგრძნობლად გადიდებული ყოფილა.

ანისში მღვდლებისაგან ჯვარისწერისა და დამარხვისათვის შემოღებულ ნიხრს, 100 დრამას, ანისის ქართველნი და ქალკიდონიანი სომხები აულელვებია და ამ ნიადაგზე ჩამოვარდნილ უთანხმოებას მათ შორის წინათ არსებული მშვიდობიანი დამოკიდებულება მეტად გაუმწვავებია. ნებაყოფლობით და ხალისიანად, „თუინიერ დაჭირებისა“, მრევლს ხუცებისათვის ამოდენი ფულის მიცემა არ შეუჩდა, ამიტომ მღვდლებს, როგორც ეს ეტიფანე კათოლიკოზის დარიგების შემცველი წარწერითგანა ჩანს, თავიანთი ნიხრის კვალობაზე გასამრჯველოს მისაღებად „დაჭირების“-ათვის მიმართვა უხდებოდათ ხოლმე. ფეხის დაჭერა-კი სხვისი უკიდურესი გაჭირვებით სარგებლობას ჰგულისხმობს. მწყემსისაგან თავის სულიერი შვილების, სამწყსოს წევრთადმი, ამისთანა მოპყრობა, რასა-კვირველია, საკადრისი საქციელი არ იყო და სიძულვილის მეტს მრევლში ხუცესს არაფერს მოუხვეჭდა.

რათგან ამ ნიხრით სამწყსოს წევრთა ქონებრივი ინტერესი ერთნაირად ილაპებოდა, ამიტომ ამოდენი ფულის გამოღების მომთხოვნელი მღვდლებისათვის წინააღმდეგობა, როგორც ეტყობა, უველას გაუწევია. ამის წყალობით დამოკიდებულება უფრო გამწვავებულა და ხუცესნი და მრევლი ორ მოწინააღმდეგე ბანაკად ქცეულან. ამის საპასუხოდ მრევლს თავიანთ ხუცესთათვის წინანდებურად „ყოველივე მისაცემელი მღვდლთა უბრკოლებელი“-კი არ დაუტოვებია, არამედ იმასაც თავის მხრით ყოველგვარი საშუალებით მისაცემლების გამოღების დაბრკოლება დაუწყია.

ამ ორ მტრულად განწყობილ ბანაკს შორის დამოკიდებულება იმდენად გამწვავებულა, რომ ბრძოლა თვით

მთელი შეუსაბამობა ცხად-ეყო. ხუცესთა სრულ უსასყიდლობაზე ანისის ქართველი მკვიდრნიც, რასაკვირველია, ლაპარაკს არ დაიწყებდენ.

ამისდა მიხედვით, საქართველოს ეკლესიის საჭეთ-მცყრობელმა ანისის სამწყსოს შემდეგი დარიგებით მიჰ-მართა: რათგან ქარგათ იცით, რომ „მღდელთაგან გიქმს ლოცვად და წირვად, ნუ გეწყინების მათთუის ძალისაებრი მისაცემელი. უფროსად მხიარულებით მისცემდით თუინიერ დაჭირებისა, რამეთუ მხიარულებით მისაცემელი უყუარს უფალსა“-ო.

ანელ ხუცესთა ნიხრად დადებული 100 დრამის მაგირ, მაშასადაცე, კათოლიკოზს მხოლოდ „ძალისაებრი მისაცემელი“ მიაჩნდა სამართლიანად. სამწუხაროდ, ეტიფანე კათოლიკოზის 1218 წ. წარწერის სწორედ ის აღ-გილები, სადაც ამ „ძალისაებრი მისაცემლის“ ოდენობაა განსაზღვრული, დაზიანებულია და ზედმიწევნით ტექსტის აღდგენა ძნელია, მაგრამ წარწერის ბოლო ნაწილი ამ და-ზიანებული აღგილების შინაარსის გაეცის საშუალებას მაინც გვაძლევს.

ეტიფანე კათოლიკოზის სიტყვით, უთანხმოება ისე უნდა ყოფილიყო გადაწყვეტილი, რომ, როგორც გვირგვინის ქურთხევისათვის, ისევე მიცვალებულისათვის წესის აგებაში ხუცეს „ეგლენივე ასია ტფილურისა (გულისხ-მება ფული: დრამა). მიეცეს“ და რაოდენიც „ძალი ედვას, პური აჭამოს“-ო. ხოლო მიცვალებულის დასაფლავებაში მღვდელს „სხუად წალებად ძალისაებრად“ მისცენო.

მაგრამ ასი ტფილური დრამა ანელ ხუცესთ ისე კი არ უნდა მიეღოთ, როგორც მათ შეუჩდათ, არამედ იმ ვარაუდითა და ანგარიშით, რომ „ტფილური ასი დრამა იგი იყოს: დანგი ერთი გ (ე. ი. სამში) მიეცეს და ზრო-სის ტყავი, რომელ ერთობ წაგილია აქამდის, აწ საწირა-ვადვი მისცემდით თუითო შოლტს“-აო.

მაშასადამე, ეტიფანე კათოლიკოზს მისაცემელის ოდენობა ისე შეუმცირებია, რომ სამი დანგის მაგიერ ერთი დანგის გამოლება დაუწესებია¹ და ხუცესისათვის მისაცემელი მრევლს სწორედ ამ ვარაუდით უნდა გამოელო. სამწუხაროდ, რამდენი დანგი ითვლებოდა ამ დროს ერთ დრამაში, ამაზე ჯერ ცნობები არ მოგვეპოვება. თავდაპირველი შეფარდებით-კი დანგი, როგორც ამას თვით სახელიც ცხადყოფს, დრამის $\frac{1}{4}$ -ედი იყო. მაგრამ შემდეგში დანგი დრამის $\frac{1}{6}$ -ედადაც ფასობდა. ხოლო საქართველოში XVI—XVII ს. თეთრში ხუთი ორიანი დანგი ითვლებოდა (იხ. ჩემი „ქართული საფას-საზომთა-მცოდნეობა, ანუ ნემიზმატიკა—მეტროლოგია). მაგრამ, როგორადაც არ უნდა ვიანგარიშოთ, რაკი წინანდელი ყოველი 3 დანგის მაგიერ მრევლს ამიერითგან 1 დანგი უნდა გამოელო, ცხადია, რომ მისაცემლის ოდენობა ეტიფანე კათოლიკოზს სამჯერ შეუმცირებია და, ამისდა მიხედვით, 100 ტფილური დრამის მაგიერ, უოველ ანელ ქართველს ან ქალკიდონიან სომეხს მკვიდრს უნდა 33 ტფილურ დრამაზე ცოტა მეტი გამოელო. ამოდენა ფულის გამოლება გვირგვინთა კურთხევისა და მიცვალებულის წესის ავებისათვის ეტიფანე კათოლიკოზს, მაშასადამე, „ძალისაებრ მისაცემლად“ მიაჩნდა.

გვინვეინის კურთხევის ან მიცვალებულის დასაფლავების შემდგომ, ახალ ჯვარდაშერილების ნაოესავებმა და წირისუფლებმა ჩვეულებისამებრ მხოლოდ რაოდენიც ოჯახს „ძალი ედვას, პური აჭამოს“-ო, უბრძანებია ეტიფანე კათოლიკოზს ანისში. აქაც ეტყობა ანელ მღვდლებს მაღა გახსნილი პქონიათ და თავის მრევლისაგან, როგორც ჩანს, მოჭარბებული მასპინძლობა მოუთხოვიათ. ქართული

¹ ეს გარემოება აკად. ნ. მარრსაც აქვს თავის მოხსენებაში აღნიშნული.

ეკლესიის საჭეთმშეყრობელს აქაც მრევლისათვის დაუ-
კერია მხარი და ხუცესთა მაღისათვის საზღვრის დაღე-
ბა საჭიროდ უცნია.

ს 4. ეტივანის განაჩენში მრევლის მისაცემითა უორის და-
სახილმული ჯალებას, საჭირავისა და უოლტის რეალური
მნიშვნელობა.

**პროფ. ნ. მარრს, ალიშანის ძელაკის (გვ.
63—64) დამოწმებით, აღნიშნული აქვს, რომ ანისის სო-
მეხთა ეპისკოპოზმა გრიგოლმა ის წესი, რომლის ძალითაც
ანისის მცხოვრებნი მოვალენი იყვნენ ანისის სომეხთა ეპის-
კოპოზისათვის ყოველ წლივ აღდგომა დღეს ზვარაკის
ტყავი მიერთმიათ ხოლმე, გაუქმა. ნ. მარრი ფიქრობ-
და, რომ ეტივანე კათოლიკოზის ანისის 1218 წ. წარწე-
რაშიც სწორედ ასეთ ზვარაკის ტყავზე იყო საუბარი და
ევონა, რომ გრიგოლ სომეხთა ეპისკოპოზისაგან ზვარაკის
ტყავის მისაცემლის ამოკვეთილობამ ქართველთა სამრევ-
ლოც ამ ზვარაკის ტყავის მისაცემლის მოწინააღმდეგედ იქ-
ცია და მისი დასხვა მისაცემლის გაუქმების მებრძოლად გაპ-
ხადა (Надпись Епифания, Католикоса Грузии. И.А.Н
1910 წ., გვ. 1440). ნამდვილად-კი კათოლიკოზ ეტივანეს
ანისის 1218 წ. წარწერის „ზროხის ტყავი“ სრულებით
სადღესასწაულო ზვარაკის ტყავს არ ჰგულისხმობდა და
სამწყსოსა და ხუცესთა შორის ჩამოვარდნილი უთანხმოე-
ბაც ტყავის მისაცემლის გამო არ ყოფილა ატეხილი.**

ეტივანე კათოლიკოზის ანისის 1218 წ. წარწერაში,
დამარცხეაში ხუცესისათვის დაწესებულს მისაცემელზე და
პურისჭამა-ქელებზე საუბარი და ამ აღგილას დამატებუ-
ლია: „და სხუა წალება დალისაებრად“-აო. ხოლო ამა-
ვი ძეგლის ბოლოში ნათქვამია: „და ზროხის ტყავი, რო-
მელ ერთობ წაგილია აქამდის, აწ საწირავ აღ-ვე მისცემ-

დით თუითო შოლტისა“-ათ. პირველი წინადადებისა და მეტადრე ტერმინი წალებად-ს, ისევე როგორც მეორე წინადადების ტერმინების საწირავი-სა და შოლტი-ს მნიშვნელობის გასაგებად, უნდა გავიხსენოთ, რომ პირველი წინადადება კათოლიკოზის იმ განკარგულების ნაწილია, რომელიც მაცევალებულის წესის ავებისა და დამარხვისათვის დაწესებულ მისაცემელს ეხება. ამისდა მიხედვით, ცხადია, რომ აქ საუბარი იმაზეა, რაც მკვდრის ოჯახითვან ხუცესს, ფულად მისაცემელს გარდა, კიდევ უნდა, ან შეეძლო წაელო. მაგრამ მარტო ანისის 1218 წ. წარწერის ცნობებით ამაზე მეტის გაგება არაფრისა შეიძლება.

ერწო-თიანეთის სარგოს გარიგების წიგნისა და წილკნელის სარგოს გარიგების წიგნის ცნობების (მათ შეს. ჩემი „საქართ. ეკონ. ისტორიის“ იმ წიგნშია საუბარი, რომელიც გადასახადების სისტემას ეხება) წყალობით-კი ეტიფანე კათოლიკოზის განკარგულების შინაარსი სახუცო სარგო=მისაცემლის შესახებ უკვე გასაგები ხდება. ერთი იმ ტერმინთაგანი, რომელიც მიცვალებულის ჭირისუფლებისაგან ხუცესისათვის მისაცემ გამოსაღებელს აღნიშნავდა, ეტიფანეს წარწერაშიც იხსენიება კიდეც. მისი სიტყვით, ანისის სამწყსოს წევრთ საწირავად წინათ ზროხის ტყავი უძლევიათ: ასე ყოფილა გადაკვეთილი „საეკლესიო წესებ“-ში. ამ ოდენობის მაგიერ ქართული ექლესიის საპეტმეტყრობელს გადაუწყვიტია, რომ ხუცესისათვის მხოლოდ თითო შოლტი-ლა უნდა მიეცათ. აქ ერთგვარ დაბრკოლებას მხოლოდ ის გარემოება წარმოადგენს, რომ წილკნელის სარგოს გარიგების წიგნში საწირავად არსაღ არც ძროხის ტყავი და არც „შოლტი“ მოხსენებული არ არის, საერთოდ ასეთი გადასახადი არა ჩანს. მაგრამ თუ იქ ამნაირი მისაცემელი არ გვხვდება, სამაგიეროდ მასზე უფრო ადრინდელ ძეგლში მკითხველი ამ გვარ ცნობებს იპოვის.

ერწო-თიანეთის სარგოს გარიგების წიგნში „შოლ-ტი-ქალამანი“ შემდეგ სოფელს,— კიდარს, გუგუს-ჯუარს, ნოკორნას, შიგონასძის ქედს, თორნს და წიაბეთს, — ჰქონია მისაცემლად დაკისრებული, ხოლო ს. ძაგუს უნდა „ცხურის ტყავი მეარი“ გამოელო. უფრო მეტი მნიშვ-ნელობა სამთავნელის სარგოს გარიგების წიგნის იმ ცნობასა აქვს, რომელშიც ნათქვამია: „რომელიც ხუცესი იყოს და ამისი (ე. ი. სამთავნელის) სამწყსო ეჭიროს და მოკუდეს, თუ შეეძლოს, მართებულის მსახურის საწირავი მიართვას (სამთავნელს მისმა სახლობაშა), უკუეთუ არა, ერთი ტყავი მხარი“-თ (იხ. მიხ. შესახებ იქვე „გადასახადების სისტემა“).

ზემომოყვანილთაგან ცხადი ხდება, რომ „ტყავი“ ჯერ კიდევ XV ს.-ში საწირავად ითვლებოდა. ანისის 1218 წ. წარწერისა და სამთავნელის სარგოს გარიგების წიგნის ცნობები ერთმანერთისაგან მხოლოდ იმ მხრივ განსხვავდებიან, რომ XIII ს. დამდეგს „ზროხის ტყავი“ ჭირი-სუფალი მჩევლისაგან ხუცისათვის მისაცემ საწირავად ითვლებოდა, XV ს.-ში-კი „ტყავი მეარი“ უკვე ეპის-კოპოზისათვის ხელმვეოთი გარდაცვლილი ხუცესის ოჯახისაგან მისაცემ საწირავად იხსენიება. ამ მხრივ საუ-კუნეთი განმავლობაში თვალსაჩინო ცვლილება მომხდარა, მაგრამ ძროხის, ან საზოგადოდ საქონლის ტყავს თავისი დანიშნულება საეკლესით მისაცემელთა სისტემაში მაინც შეუნარჩუნებია.

ყოველივე ზემონათქვამის შემდგომ, უფრო ადვილი შისახვედრი უნდა იყოს, თუ დანამდვილებით რას ჰეუ-ლისხმობდა ეტიფანე კათოლიკოზი, როდესაც ანისის მკვიდრთ და ხუცესთ აგონებდა, რომ მიცვალებულის ჭირი-სუფალთაგან ხუცესს „სხუა წალება ძალისაებრ“ უძლეოდა ესო. უმშველია, აქ ისვე იგულისხმება, რასაც შემდეგში ნიშანი ეწოდებოდა, რომლის ძალითაც მწირ-

ველს მიცვალებულის ტანისამოს-სამკაულისა და მოკაზ-
მულობის გარკვეულ ნაწილს აძლევდენ ხოლმე. ამ მისა-
ცემლის ოდენობის თაობაზეც, როგორც ჩანს, ანისის მრევ-
ლეა და მღვდლებს შორის უთანხმოება ყოფილა.
სამწყსოს ეს ნიშანი ეტყობა დიდად მიაჩნდა.

აღსანიშნავია, რომ კათოლიკოზეს ეტიფანეს აქაც
მრევლისათვის დაუჭერია მხარი: მას საგრძნობლად შეუმ-
ცირებია იგი და, გარკვეული ოდენობის მაგიერ, ნიშნის
მიცემა შეძლების კვალობაზე დაუწესებია.

იმის გასათვალისწინებლად, თუ რამდენად შეუმსუ-
ბუქდა 1218 წ. შემდგომ საწირავის ტვირთი ანისის ქართ-
ველთა და ქალკიდონიან სომეხთა სამრევლოს, უნდა ტერ-
მინი შოლტი-ს მნიშვნელობა ვიცოდეთ. ეს სიტყვა ქარ-
თულ მწერლობაში ამაზე გაცილებით უფრო აღრინდელ
ძეგლებშია ნახმარი. ნიკორწმინდის XI ს. სიგელში მაგ.
ნათქვამია: „კივში ზოსქლელისაგან ვიყიდე ვენაკი და მი-
ვიც კარი ა(1), საკნისი გ(3) და ქალამანი შოლტია (1)“-თ
(ქ' გბი II, 48). XIII—XIV ს. ერწო-თიანეთის სარგოს
გარიგების წიგნშიც ეს ტერმინი ხშირად იხსენიება, საბა
ორბელიანის განმარტებით შოლტი არის „ტყავის
ნაკრი გრძლად“ (ლექსიკ.). ხოლო, პროფ. ნ. მარტინის
სიტყვით, გურიაში მოხუცებულებს ჯერ კიდევ პესომებიათ,
რომ წინათ მღვდელს აძლევდენ საქონლის ტყავს, რო-
მელიც ორი ტერიფის სიგანეზე, შუაზე, უგრძელეს ადგი-
ლას, სიგრძლივ იუო ხოლმე ამოგრილი (იხ. მისი „Надпись
Епифания, Католикоса Грузии“: И. А. Н. 1910 წ.
ველ. 1).

საფიქრებელია, რომ ხუცესისათვის საწირავად ძრო-
ხის მოელი ტყავის მისაცემელი მარტო ანისში-კი არა,
არამედ მოელ მაშინდელ საქართველოშიც იქნებოდა
„საეკლესიო წესად“ მიღებული. მაგრამ, თუ მერმინდელ
სარგოს გარიგების წიგნებს გადავშინჯვავთ, დაურწმუნდებით

რომ, ამ ოდენობის მაგიერ, XIII—XIV ს.-ში „ტყავი მკა-
რი“ უკვე გარდაცვლილი ხუცესის ოჯახის მისაცემლად
სწერია ეპისკოპოზისათვის, სოფლის კაცნი-კი მპო-
ლოდ „შოლტი ქალამანი“-ს გამომღებნი ყოფილან (იხ. ერ-
წო-თიანეთის XIII—XIV ს. და სამთავრენელის 1459 წ. სარ-
გოს გარიგების წიგნები). ცხადია, რომ ეტიჟანე კათოლი-
კოზის 1218 წ. განკარგულებას საქართველოს სხვა სამრე-
ვლოებშიც ამ საეკლესიო მისაცემელის ოდენობის შემ-
ცირება მოჰყოლია. მომავალი გვიჩვენებს, თვით საქართვე-
ლოში საწირავის ოდენობის ასეთი შემცირება უმტკივნეუ-
ლოდ მოხდა, როგორც კათოლიკოზ ეტიჟანეს 1218 წ. გან-
კარგულების ბუნებრივი შედეგი, თუ აქაც მრევლს ამისთ-
ვის ბრძოლა დასჭირდა?

თ ა ვ ი ა მ ი თ ხ ი.

5/1916. 8

პრეზიდენტის საქართველოს მართვისა და მთავრობას
შორის სამართლებრივი გამო.

ს 1. მართლისა და მთავრობის კრიზისი „საქართველოში
XIII ს. შუა ათასულებაზე.

როდესაც, მონღოლთა მიერ შემოღებული მართვა-
გამგეობისა და გადასახადების წყალობით, მიწა და ქონე-
ბა სხვადასხვა გამოსაღებლით იმდენათ დაიტვირთა, რომ
ამოდენა ტეიროს ველარ უძლებდა, ისე რომ მიწის დამუ-
შავება, თუ მთლად საზარალო არა, დამშუშავებლისა და
პატრონისათვის თითქმის უნაყოფო შრომად იქცა, ჩათ-
ვან შემოსავლის უზიდესი ნაწილი გადასახადების გასა-
ტუმრებლად უნდა წასულიყო, მიწამა და უძრავმა ქონე-
ბამ, როგორც დავრწმუნდით, თავისი ფასი დაკარგი და

მიწა ამოძრავდა. ვალებით დატვირთული მემამულენი იძულებული იყვნენ უძრავი ქონება, ან თითონვე გაეყიდათ, ან მევალისათვის მიეცათ. ქველი და დიდი საგვარეულოების წარმომადგენელნი ამით გალარიბების კარამდე მივიღენ: უძრავი, ხშირად დიდი, ქონება ხელითგან ეცლებოდათ და თითქმის უმიწაწყლოდ, ან მცირე ქონების პატრონად-ლა უნდა ქცეულიყვნენ.

ამ საშინელი ქონებრივი განსაცდელის დროს, რომელიც, როგორც ვნახეთ, ფართოდ იყო მოდებული და აზნაურთა წოდებას, მეტადრე მის უმოხელეო წრეს, სრულ განადგურებას უქადდა, ამ მწვავე კრიზისის შენელებისა და მძიმე მდგომარეობის შემსუბუქების წადილი და აზრი ბუნებრივად უნდა დაბადებულიყო, როგორც თვით დაზარალებულთა წიაღში, ისევე საქართველოს მთავრობის წრეშიც, რათვან ეს განსაცდელი უცხოთესლთა ბატონობის შედეგი იყო და მოწინავე წოდების გალარიბება, მაშინდედი სახელმწიფო და სოციალური წესწყობილების გამო, სახელმწიფოსათვისაც ფრიად მნიშვნელოვან და დამატიქრებელ გარემოებად იყო მიჩნეული.

ქვეყნის ამ საერთო გაჭირვების დროს, მონღოლთა წესების წყალობით, განსაკუთრებული უპირატესობა, შეუვალობა, მხოლოდ ექლესიასა და ხაკლესიო საკუთრებასა ჰქონდა მინიჭებული. თუ აშასთანავე გავიხსენებთ, რომ საკლესიო დაწესებულებათა ქონებას საქართველოს მეფეთაგანაც ყოველგვარი გადასახადების შეუვალობაც ჰქონდა შერჩენილი, მაშინ ცხადი შეიქმნება, რომ ზაშინდელი საქართველოს გასაჭირში მყოფი ყველა წრეები ეკლესიის დაწესებულებათა მესვეურებისა და მათი ყმების ამ უპირატესობითა და შეუვალობით შექმნილს ქონებრივ კეთილდღეობას, რა თქმა უნდა, შურის თვალით დაუწყებენ ყურებას. ზოგს მათვანს, მეტადრე, რასაჭირველია, ეკლესიისათვის ოდესლაც გადაცემული მამულების უკვე დიდ

გაჭირებაში ჩაცვინულ შემწირველთა შთამომავლობას, ქონებრივი მდგომარეობის ასეთი განსხვავება შესაძლებელია დიდ უსამართლოებადაც-კი ჩაეთვალა.

ყველა ყალანს, სხვა მოვალეობასა და ხარჯს იხდიდა, ყველა სახელმწიფო გადასახდების გამომლები იყო, ექლესის გარდა. მისი შეუვალობა გაჭირებაში ჩაგარდნილ საჭართველოს სახელმწიფო საჭურჭლესაც და სალაროსაც და დანარჩენ მცხოვრებთაც მძიმე ტვირთად აწვებოდა.

მართალია, როგორც ქვევით აღნიშნული იქნება, საჭართველოს მთავრობისაგან ნახმარი ღონისძიება, შეუვალობით მოსილს საეკლესიო მიწებს-კი არ ეხებოდა, არამედ სწორედ შესავალს, ე. ი. ისეთს, რომელიც გადასახადებისაგან განთავისუფლებული არ იყო. მაგრამ ჯერ ერთი ეკლესიის ქონება საეროსთან შედარებით, სუპუქიდ იყო დაბეგრილი, მეორეც ის, რომ ეკლესია მონლოლთა ბატონობის ყველაზე უფრო მძიმე ტვირთისა, ყალნობისაგან, თავისუფალი ყოფილი გარემოებას ისიც ცხადჰყოფს, რომ ეკლესიის წარმომადგენელნი, როგორც დავრწმუნდებით, ყალნობის მოხდის თანახმანი იყვნენ, ოღონდ გაცემული ქონება კელავ ეკლესიას დაპირუებოდა.

ულუ-დავითის-დროინდელი საეკლესიო კრების მონაწილეთა მოწმობითაც ჩანს, რომ ამაზე მაშინ ლაპარაკიცა და დრტვინვაც ყოფილა. მართალია ასეთი მსჯელობა მათ უსამართლოდ მიაჩნდათ, — „ნუცა ვინ ყალნობის მიზეზს შემრიღებს-“ (აქვე), — მაგრამ ამას მათი მოწინააღმდეგენი, რასაკვირველია, არ დაეთანხმებოდენ. ამავე კრების წევრები ადასტურებენ, „რომე მჩავალნი კაღრობენ უამისა ძნელბეღობასა და საჭიროებასა-“ (აქვე).

§ 2. მთამრობის ღონისძიება ამ პრიზისის შესახელებლად, მო-
სი არსება, დაიმუშავება და უფლებარი საფუძველი.

* იმ საშინელი კრიზისის შესამსუბუქებლად, რომელიც
მაშინდელ საქართველოს, უმთავრესად მის ამიერ ნაწილს,
მონღოლთა ბატონობისა და საფინანსო სისტემის წყალო-
ბით თავს დაატყდა, საქართველოს მთავრობას ერთი სა-
შუალებისათვის მიუმართავს, რომელიც საქართველოს ეკ-
ლესის მესკეურთ თავის იურიდიულ და ქონებრივ უფ-
ლებათა შელახვად მიუჩინევიათ. უფრო მეტის თქმაც შეიძ-
ლება: საეკლესიო წრეებში მთავრობისაგან ნახმარი ღო-
ნისძიება მიჩნეული იყო „შლად საყდართა საეპისკოპოზო-
თა“ და „მონასტერთა“, ესე იგი ეკლესიათა რღვევადა
და ყველა საეკლესიო მამულების თითქოს მიტაცებადა
სთვლიდენ მაგრამ ასეთი ბრალდება უეჭველია ვნებათა-
ლელვითა და მოწინააღმდეგებთან საბრძოლველ საშუალე-
ბათა გაურჩეველობით იყო წარმოშობილი.

ნამეოდად-კი საქართველოს მთავრობისაგან საეკ-
ლესიო ქონებითგან დაზარალებულებზე მარტო იმ ნაწი-
ლის გაცემა იყო ამ გაჭირვების შემანელებელ ღონისძიე-
ბად განზრახული, რომელიც ეკლესიას საქართველოს მე-
ფიციენტაგან ოდესშე შეწირულებად შეონდა მიღებული. ეს
საშუალებაც მხოლოდ საეპისკოპოზო საყდრებისა და
მონასტრების შეწირულ ქონებას შეეხო. ეს თვით საეკ-
ლესიო კრების მოხსენებითგანაც ნათლად ჩანს და ეს მ-
თა აღმწერელის სიტყვებითაც მტკიცდება. საეკლესიო
კრების მონაწილენი ულუ-დაგითს ეკითხებოდენ: განა წი-
ნათ-კი არ ყოფილა საქართველოში დიდი გაჭირვება, შაგ-
რამ რატომ ეს „მიზეზი არავინ კადრა საყდართა ქუც-
ნის ქონებას და დარღუვების მნებებელმან“-ი: საეკლესიო
შეწირული ქონების წინანდელ მეფეთაგან გაცემულობის

საბუთები არავის აქვს: „რომელსა დიდებულსა, ანუ აზნაურსა, ანუ დარბაზის ერსა, ანუ გლეხსა სიგელი თქუენთა გუართაგან ბოძებული [აქუს] და, თუ ვის აქუს, არავინ დამშალავს,—რად არავინ გამოაჩინა, რამე საყდართა სოფელი ვის ზედა გაცემული იყოს და ეწეროს თუინიერ ამისისა, რომე თქუენ გაგიცემიან და გავიბოძებიან სიგლითა“—ო (აქვ).

უამთააღმწერელიც რომ ულუ-დავითზე ამბობს: „იწყო შლად საყდართა საეპისკოპოსოთა, რომელნი სანატრელთა მეფეთა შესავალნი სოფელნი მაენიჭნეს, გასცემდა,— ეგრეთვე მონასტრერთა“—ო (* 851, გვ. 696), ისტორიკოსის ეს უკანასკნელი ცნობა ცხალჰყოფს, რომ საქართველოს მთავრობისაგან გამოყენებული დონისძიება მეფეთაგან საყდრებისა და მონასტრებისათვის უველა შეწირულ მამულებს-კი არ ეხებოდა, არამედ მსოლოდ ისეთებს, რომ ელნიც „შესავალნი“ იყვნენ. ამგვარად ყველა მეფეთაგან შეწირული „შეუგალობის“ მქონებელნი და კერძო პირთა ყველა შეწირული მამულები ხელუხლებული რჩებოდენ და საყდართა და მონასტრერთა. „შლა“—ზე ლაპარაკი მხოლოდ გაბოროტებული მოწინააღმდევის დაუზოგველი ბრძოლის წარმოების გამომეულავნებლად უნდა იქნეს მიჩნეული.

საეპისკოპოსო საყდრებისა და მონასტრებისათვის შეწირული, როგორც ეტყობა, მარტო მოწინავე წოდებისათვის-კი არ გადაუციათ, არამედ აგრეთვე დარბაზის ერთა და. გლეხებშეც.) ამას ის გარემოება გვაფიქრებინებს, რომ საეკლესიო კრება ულუ-დავითს ეკითხებოდა: „რომელსა დიდებულსა, ანუ აზნაურსა, ანუ დარბაზის ერსა, ანუ გლეხსა სიგელი თქუენთა გუართაგან ბოძებული [აქუს] და, თუ ვის აქუს, არავინ დამშალავს,—რად არავინ გამოაჩინა, რამე საყდართა სოფელი გასზედა გაცემული იყოს და ეწეროს თვითინიერ ამისასა, რომე თქუენ გაგიცემიან და გავიბოძებიან სიგლითა“—ო.

საქართველოს მაშინდელი ეკონომიკური და ფინანსიური კრიზისის შესამსუბუქებლად შემუშავებული ვაზირთა-უპირველესის ეს გეგმა საქართველოს მთავრობას, ერთის მხრით, უძრავი ქონების ახალ ფონდს უქმნიდა, მეორეს მხრით, ამ მამულების ერისკაცებზე გაცემით სახელმწიფო საჭურჭლე-სალაროს შემოსავლის ახალი ერთდროულიცა და ყოველწლიური წყაროც უჩნდებოდა: წინათ თუ ეს საყდარ-მონასტრებისათვის შეწირული მიწები სახელმწიფო ხაზინას არას ჰმატებდენ და ამიტომ სამეფოსათვის ფინანსიურად საზარალო იყვნენ, ეხლა იმას გარდა, რომ ამ მიწების გაცემისას ერთდროულად ფული უნდა შემოეტანათ, მიწების მიმღებნი ყოველწლიურად მონლოლთათვის განკუთვნილი ხარკის, ყალანის, გადახდას გარდა, ყველა სახელმწიფო გადასახადების მთლიანად გამოღებასაც კისრულობდენ. ეს ცხადად ჩანს საეკლესიო კრების იმ წინადაღებითვანაც, რომელსაც მეტე და საქართველოს მთავრობა უნდა დაერწმუნებინა, რომ ამ მიწების ისევე ექვენის ხელში დაბრუნება და დატოვება სახელმწიფოსათვის ფინანსიურად საზარალო არ იქმნებოდა.

X შეეძლო, თუ არა, მეფეთაგან ეკლესიისათვის დროთა განმავლობაში შეწირული შესავალი მიწების სხვებზე გაცემის დროს, ულუ-დავითსა და მის მთავრობას თავისი მოქმედება, ფინანსიური თვალსაზრისით აუცილებლობის მოსაზრებას გარდა, იურიდიულად, სამართლის თვალსაზრისითა და დებულებითაც გაემართლებინა? საეკლესიო წრეები და კრება, როგორც შემდეგ დავრწმუნდებით, სრულ უკანონობად, სხვის ქონების მითვისებადა და მძარცველობად აცხადებდენ. მაგრამ საქართველოს მთავრობის მტკიცე პოზიცია ამტკიცებს, რომ ის ამის შესახებ სულ სხვა აზრისა იყო და სხვანაირად მსჯელობდა.

ქართული სამართლის თანახმად, მეფის ყველა განკარგულებას ძალა მხოლოდ მის სიცოცხლის დროსა და

განმავლობაში ჰქონდა. მისი სიკვდილის შემდგომ მისგან მინიჭებულ უპირატესობასა და წყალობას მხოლოდ იმ შემთხვევაში შეიძლება ძალა შერჩენოდა, თუ ტახტზე ასული მისი მომდევნო მეფე ამას დაამტკიცებდა, თუ არა-და-ეს წყალობა, ან განკარგულება გაცუდებულად და გაუქმებულად ითვლებოდა. ამ გარემოებით აიხსნება, რომ სახელმწიფო ტახტზე ახლად ასულ მეფესთან გარდაცვლილი მეფის წყალობისა, შეწირულობისა და სხვა გვარი წიგნები მოჰქონდათ ხოლმე განსაახლებლად და დასამტკიცებლად. ვინც ამნაირ საბუთებს არ განაახლებინებდა, წინათ მიღებულ უპირატესობას და უფლებას ჰქარგავდა. ამგვარად შემწირველის მემკვიდრის ნებაყოფლობა იყო საჭირო, რომ შეწირულებას თვისი ძალა შექრჩენდა (იხ. ამის შესახებ ჩემი „ქლი სამართ. ისტორია“-ში, წიგნი II, 2 ნაკვ., გვ. 409—411 და 437—438).

საფიქრებელია, რომ ულუ-დავითმა და საქართველოს მთავრობამ თვის ფინანსიური გეგმის განხორციელებისათვის კანონიერი მოქმედების თვისების მისანიჭებლად, ვითარცა მის წინაპართაგან შეწირული მამულების მემკვიდრემა და პატრონმა, სწორედ ამის უფლებით ისარგებლა. ამ აზრს თვით გაცემული მამულების ახალ მფლობელთა ის სიტყვებიც ადასტურებენ, რომლითაც მათ მიღებული მამულების უკან დაბრუნების ეკლესიისაგან მოთხოვნის უკანონობა დაუსაბუთებიათ: ეკლესიის მესვეურთათვის უპასუხნიათ — „მქონებელი და მნებებელი საყდართა და მონასტერთა საქონებელთა ქონებისა და პატრონი არ დაგუადებინებს“ და თქვენ რა უფლებით გვთხოვთ პატრონისაგან ამ გადმოცემულ ქონებათა თქვენთვის უკან დაბრუნებასაო.

მაშასადამე, საქართველოს მთავრობის მოქმედება, მისი ფინანსიური გეგმისა და ღონისძიების განხორციელების დროს, იურიდიულად არას გზით სხვის ქონების-

მითვისებადა და გაფლანგვად არ შეიძლებოდა მიჩნეული ყოფილიყო. ეპისკოპოზებსა და მონასტრებს ამის საპასუხოდ უფლება ჰქონდათ მხოლოდ ის აღაპები და სახსენებელი მოესპოთ, რომელიც ამ გაცემული ქონების პირვანდელ შემწირველთაგან დაწესებული იყო. ქართული სამართლის თვალსაზრისით მათ ამაზე ბეტის არაფრის თქმა არ შეეძლოთ. სარწმუნოებრივი და ზნეობრივი თვალსაზრისით-კი სათქმელად ბევრი მოსაზრების მოყვანის საშუალება ჰქონდათ და ამით აიხსნება, რომ საეკლესიო კრებას თავის მოხსენებაში საცილობელი საკითხის სწორედ ამ მხარისათვის მიუქცევია ყურადღება და საბუთად გამოუყენებია კიდევაც.

§ 3. ამ სოციალურ-ეკონომიკური გეგმისა და ლოისპიგიბის თაოსანის გინაობა.

მონაცემთა-დროინდელს ქართველ ისტორიკოსს აღნიშნული არა აქვს, თუ მიწის ამოძრავებისა და დაკარგვით გალარიბებულთა ქონებრივი მდგომარეობის გასაუმჯობესებლად პირველად ვის მოუვიდა აზრად, რომ წინანდელ მეფეთაგან მონასტრებისათვის შეწირული მიწები საეპისკოპოზო საყორებსა და მონასტრებს ჩამოჭრომეოდათ და გაჭირვებულ ოჯახებს გადასცემოდათ, მაგრამ ამ სოციალ-ეკონომიკური გეგმისა და ლონისძიების ავტორი ულუ-დავითის-დროინდელი საეკლესიო კრების ძეგლისწერაშია მოხსენებული. ამ კრების მონაწილენი აღშფოთებით ამბობენ: „ღმრთისათუას შეწირულთა აღვილთა ვაზირი, მნებებელი, მაწუეველი და მაქნეველი გაცემისათ, ვითამცა არა ღმრთისაგან რისხვეულ იქნა“-ო (აქვე). აქეთგან ცხადი ხდება, რომ შეწირული მიწების გალარიბებულ მცხოვრებლებზე გაცემის „მნებებელი“, „მაწუეველი“ და „მაქნეველი“ თვით ვაზირი ყოფილა.

საეკლესიო კრებას მისი ვინაობა, უექველია, მორიდებით არ დაუსახელებია, მაგრამ მისი სახელი მეფესაც და უველა იმდროინდელ ქართველებს ისედაც კარგად ეცოდინებოდათ.

რაკი, ქართული სახელმწიფო სამართლის თანახმად, საეკლესიო საკითხები ვაზირთა ყოველთა უპირველესსა და მწიგნობართ-უხუცესს ქონდა ჩაბარებული (იხ. ამის შესახებ ჩემი „ქლი სამართლის ისტ.“ წ. II, 1). ამიტომ ზემომოყვანილ ცნობაში ცხადია ვაზირთა-უპირველესი უნდა იგულისხმებოდეს. მაგრამ, ამავე ქართული სამართლის მიხედვით, მამულის შეწყალების წესით გაცემის, ან ბოძების დროს უეჭველად სამხედრო საქმეების ვაზირს, ამირსპასალარსაც, უნდა მიეცა თავისი დასტური. (ამიტომ ამ საქმეში ამირსპასალარის მონაწილეობაც უნდა ვიღულისხმოთ.)

ულუ-დავითის მეფობაში, რასაკვირველია, ერთი მწიგნობართ-უხუცესი და ვიზირთა-უპირველესი არ იქნებოდა და არ იყო, მაგრამ მათ შორის იმ დროისათვის ესოდენ გაბედული გეგმა და მოქმედება ყველაზე მეტად ბასილ ჭყონდიდელ-უჯარმელს შევშვენის, რომელიც, ქართველი ჟამთა აღმწერლის სიტყვით, იმდენად თამამად მოქმედობდა, რომ „იწყო საურავთაცა ქმნად თვინიერ მეფისა კითხვისა“ და რომელმაც „მეფისა იმერით ყოფასა შინა დიდად აწყინა სეფეთა ქვეყანათა“ (* 846, გვ. 691), ხოლო შემდეგ „ჩიკანიცა აღიკადა“, ე. ი. მონაზონობას თავი დაანება, საერისკაცო ტანისამოსი ჩაიცეა და „მთავრობა მიიტაცა“-თ (იქვე * 867, გვ. 712). ეს ის ბასილი ვაზირთა-უპირველესია, რომელიც სხვათა შორის არსენი ჭყონდიდელი მთავარებისკოპოზის მგელა აბულხოტრისი-საღმი მიცემულს დაწერილს ამტკიცებდა და თავის თავზე ამბობდა: „დაწერილისა აშისა მეცა დამამტკიცებელი გარულირსი ბასილი ჭყონდიდელი მწიგნობართ-უხუცესი და

პროტიპერტიმოსი, მტკიცე ყოს ლმერთმან და შემცვალებელთა ამისთა შერისხვითა მისცეს სასჯელი"-ო (საისტ. მოამბე, 1925 წ. II, 132).

მაგრამ ჩვენ რომ საეკლესუო კრების ძეგლისწერაში მოხსენებული ვაზირისა და ბასილი ვაზირთა-უპირველესისა და მწიგნობართ-უხუცესის ჰყონდიდელ-უჯარმელის ერთიდაიგივეობა დამარწმუნებლად ვიცნათ, ამისთვის წინასწარ უნდა როგორც საეკლესიო კრების, ბასილის მწიგნობართ-უხუცესობის ზეობის დრო ვიცოდეთ. თუმცა, საუბედუროდ, არც ერთი ამ თარიღთაგანი შენახული არ არის, მაგრამ „ქართული სამართლის ისტორია“-ში (იხ. წიგნი I, წყაროების შესახები თავი) უკვე გამორკვეული მაქვს, რომ ეს საეკლესიო კრება 1263 წ. ახლო სანებში უნდა მომხდარიყო და მაშინვე უნდა იყოს კრების ეს მიმართვაც დაწერილი.

ესლა ვაზირის ვინაობის საკითხს რომ შევეხოთ, უამთა აღმწერელს ბასილი ჰყონდიდელისა და უჯარმელის შესახებ ნათქვამი აქვს, რომ, ბერქა ყაენის მოსალოდნელა შემოსევის მოსაგერიებლად, ილხანებმა „თეთრსა წყალსა ზედა ღობე შეკრეს და მუნ იზამთრიან, ვითარცა მითქუამს. ხოლო, ვითარცა ამათ საქმეთაგან უცალო იქნა მეფე ულუ-დავითი, „განდიდნა ბასილი ჰყონდიდელი და უჯარმელი“ და სხვადასხვას, უკვე ზემომოყვანილ თვითნებითს მოქმედებას მიჰყო ხელიო (*841, გვ. 691). რათვან მონღოლებმა ამ ღობის, ანუ „სიბას“ აგება 1263 წ. შემოდგომას დაიწყეს, ამიტომ ბასილი ვაზირთა-უპირველესის განდიდების დასაწყის თარიღად სწორედ 1263 წ. უნდა მიიჩნიოთ. მაგრამ, რაკი ბასილი ჰყონდიდელ-უჯარმელის დამოუკიდებელი მოქმედების მიზეზად ულუ-დავითის სიბაზე გამგზავრება და ზამთრის იქვატარებაა დასახელებული, ასეთი თვითნებობა-კი მეფის პირველსავე გამგზავრების დროს ვერ გამომულავნდებოდა,

ამიტომ, ამ დასაწყის წელითგან მოყოლებული, "რამ-დენსამე ხანს მაინც უნდა გაევლო, სანამ ულუ-და-ვითს მისი გაზირთა-უპირველესის ქცევა მოთმინებითგან გამოიყვანდა და განარისხებდა. ამას ისტორიკოსის სიტყვებიც — „ვითარ ამათ საქმეთაგან უცალო იქმნა მე-ფე“-ი — გვაფიქრებინებს. მრავლობითი რიცხვი მეფის არაერთგზისი გამგზავრების გამომხატველი უნდა იყოს.

უამთააღმ წერლის მოთხრობის თანმიმდევნოების შესხვედით, ბასილი ჭყონდიდელ-უჯარმელის სიკვდილად დასჯა თითქოს 1264 წ. უნდა ვიგულისხმოთ, რათგან ამ ამბავს სწორედ 1264 წ. შემოდგომის სიბაზე მორიგე გამ-გზავრების შესახები ცნობა მოსდევს (იქვე * 846—847, გვ. 692). მაგრამ აქაც, როგორც არა ერთგან სხვაგანაც, შესაძლებელია ჩვენ ისტორიკოსს ქრონილოგიური წესრიგი მთლად დაცული არა ჰქონდეს და შესაძლებელია ბა-სილი ჭყონდიდელისა და გაზირთა-უპირველესის განდიდების ამბავის აღნუსხვას სისრულისათვის მისი მერმინდელი საბოლოო ბედილბალიც ჰქონდეს ზედ დართული.

ბასილის თვითნებური ქცევის დასაწყისი უამთააღმ წერელს მთლად სისწორით თითონაც გათვალისწინებული არ უნდა ჰქონდეს და მის მოთხრობას ამ აღვილას სრული ზედმიწევნილობა არ ატყვია. ამას ის გარემოებაც ამტკიცებს, რომ ჯერ ნათქვამი აქვს, რომ მეფის დაუკითხავად მოქმედება გაზირთა-უპირველესმა მას შემდგომ დაიწყო, რაც ულუ-დავითი იძულებული შეიქმნა მონალ-ლებს ყოველწლიურად თეთრი-წყლის სიბაზე გაჰყოლოდა, მაგრამ რამოდენიმე სიტყვის შემდგომ თვითვე უმატებს: ბასილმა „მეფისა იმერით ყოფასა შინა დიადი ეწყინა სე-ფეთა ქვეყანათა, რამეთუ ვითარ თვისთა ჰქედვიდა“-ი (* 846, გვ. 691). ამ სიტყვებითგან ისე გამოდის, რომ ბა-

სილ მწიგნობართ-უხუცესს თვითნებური მოქმედება გა-
ცილებით ზემომოყვანილ თარიღზე უწინარეს დაუწყია,
სახელდობრ უკვე 1260 წელს.

ყველა ზემონათქვამითვან ცხადი ხდება, რომ, რო-
გორც ულუ-დავითისაგან საეკლესიო მიწების გაცემა,
ისევე ბასილ ვაზირთა-უპირველესის დამოუკიდებელი
მოქმედება ერთსა-და-იმავე დროს, მონლოლთა საქმეე-
ბისა და მძღავრებისაგან მეფის „სიბაზე“ სიარუ-
ლით ვამოწვეული მოუცლელობის დროს დაწყებულა. აქ
მაშასადამე ორს ერთი-და-იმავე-დროინდელს მოვლე-
ნასთანა ვვაქვს საქმე. ხოლო, თუ იმ ვარემოებასაც გა-
ვითვალისწინებთ, რომ ბასილ ვაზირთა-უპირველესს
თვითნებური მოქმედების გაჩალება და განდიდება, უამ-
თაა ღმწერელის სიტყვით, იმის წყალობით შესძლებია,
რომ მეფე დავითს, მონლოლებთან ერთად სიბაზე ყოველ-
წლიურად ვალაშქრების გამო, საქართველოს სახელმწიფო
საქმეებისათვის აღარ სცალოდა, თუ ისტორიკოსის ზემო-
მოყვანილი ცნობა სამართლიანია, გამოდის, რომ საეკ-
ლესიო მიწების გაცემისათვის იმდენად ულუ-დავითი
არ უნდა ყოფილიყო პასუხისმგებელი, რამდენადაც მი-
სი კანონიერი მოადგილე, საქართველოს მთავრობის
თავმჯდომარე, მწიგნობართ-უხუცესი და ვაზირთა-
უპირველესი. საეკლესიო კრებაც, როგორც დავრწმუნ-
დებით, საქმის ნამდვილ ვითარების თავის ძეგლისწერაში
სწორედ ასევე გვისურათებს. მაშასადამე, საფიქრებელია,
რომ საეკლესიო მიწების გაცემის თაოსნობა, თუ აქტიუ-
რი მონაწილეობა ბასილ ვაზირთა-უპირველესს უნდა
ჰქონებოდა.

ს 4. მთავრობის მოქმედებით გამოწვეული საეპლენი
წრეების გულისხმობა და ბრძოლა მის გასაკარგყლებლად.

სოციალ-ეკონომიური კრიზისის შესამსუბუქებლად
განკუთვნილს საქართველოს მთავრობის ამ ღონისძიებას
ქართული ეკლესიის მესვეურნი, რა თქმა უნდა, გულხელ-
დაკრეფილნი არ დაჰვედრიან, არამედ, პირიქით, წინააღმ-
დეგობის გაწევასაც და ბრძოლასაც შეუდგენ, მაგრამ ფრთ-
ხილად და მარჯვედ მოფიქრებული საშუალებით.] ჯერ
თურმე საუკეთესო საბრძოლველ იარაღად დაკრულვა მიუჩ-
ნევიათ, მაგრამ მთავრობა-კი არა, არამედ მხოლოდ საეკ-
ლესიო მიწების მთავრობისაგან მიმღები შეუჩვენებიათ.

ქართული სახელმწიფო სამართლის თანახმად, დაკ-
რულვას უნდა სახელმწიფო ხელისუფლების მხრივაც დაკ-
რულვილის „შერისხევა“ მოჰყოლოდა. მას მოქალაქობრივი
უფლებები უნდა წარმომეოდა: მამული ჩამოპროტეოდა და
„ლაშქართა შიგა“ აღარ ყოფილიყო შეშვებული, ე. ი. თა-
ვის სამშობლოთვან უნდა გაწმილებული განედევნათ]

ეს იარაღი ეკლესიის მესვეურთათვის იმითაც იყო
მარჯვე და ხელსაყრელი, რომ დაკრულვის მიზეზად შესაძ-
ლებელი იყო სულ სხვა გარემოება ყოფილიყო გამოცხა-
დებული, რომ საქართველოს მთავრობას საბუთი არ ჰქო-
ნოდა, მღვდელმთავართა ასეთს მოქმედებაში თავისი თა-
ვის შეურაცხყოფა შეემჩნია, შედეგად-კი ამ დაკრულ-
ვას სწორედ ის უნდა მოჰყოლოდა, რაც ეკლესიას სწადდა:
ეკლესიისათვის შეწირული მიწის მიმღებს ყველა მამულე-
ბი ჩამოერთმეოდა და ლაშქრითვანაც გაძევებული იქმნე-
ბოდა. ასეთი სასჯელი იმდენად მკაცრი, იყო რომ სხვებს
თავიანთი ქონებრივი მდგომარეობის „გაცემული“ საეკლე-
სიო მიწებით გამოკეთების წადილს, სამღვდელოების აზ-
რით, სამუდამოდ დაუკარგავდა.

ქართული ეკლესიის მესვეურთ ამ საშუალებისათვის
მიუმართავთ კიდევაც, მაგრამ, როდესაც დაკრულვილი-
სათვის ჯვარისწერაზე და, უძველია, სხვა საიდუმლოება-
თა ასრულებაზე მღვდელმსახურთ წერისაებრ უარი უთქ-
ვამთ, მათ ეკლესიის ასეთი მოქმედება, როგორც ეტყობა,
საეკლესიოდ შეწირული, მაგრამ „გაცემული“ მიწას მი-
ღებით გამოწვეულ შურისძიებად მიუჩნევიათ და მღვ-
დელმთავართა მსჯავრი, ვითარცა უსამართლო, სამეფო
კარზე განუსაჩინორებიათ. უძველია, საჩივართან ერთად
მათ მთავრობისადმი მირთმეულ წერილობითსა, თუ სიტყ-
ვიერ განცხადებაში ეს თავიანთი ეჭვი და რწმენაც-კი სა-
განგებოდ აღნიშნული ექმნებოდათ.

საქართველოს მთავრობასაც, როგორც ჩანს, დაკ-
რულვილ მოჩივართა ეჭვები და რწმენა, სადაც-კი ასეთი
ეჭვისათვის რაიმე საფუძველი არსებობდა, გაუზიარებია:
დადებული სასჯელი უსამართლოდ მიუჩნევია, დაკრულ-
ვილთა მოსარჩეობაცა და დაცვაც დაუწყია. ამ გარე-
მოებას თვით საეკლესიო კრების მონაწილენიც აღიარებენ
და მეფე ულუ-დავითისადმი წარგზავნილ მოხსენებასა და
მუქარაში სხვათა შორის ნათქვამი აქვთ: წინათ ასეთი წე-
სი იყო, რომ „ვინცავინ დაკრულვილა, რადაცაცა მიზეზი-
თა და საქმითა, თქუენ (ე. ი. საქართველოს მთავრობის)
მიერცა შერისხულა, მამული დასჭირვია და ლაშქართა
შიგან არ შეშვებულა“, ეხლა-კი, „აწ, თუ ვის დავჭკრუ-
ლავთ, გამოაჭენებს თქუენს დარბაზსა და თქუენთა ვა-
ზირთა მოშმართებს, ბრძანებასა და კაცს უბოძებთ «ჯუა-
რი დასწერე»-ო, გაწყრომისა და ავად გაკდის ნაცვლად“-ო.

ყოველთვის პშველოდათ, თუ არა, მთავრობის გამო-
ქომაგება დაკრულვილთ, არა ჩანს, მაგრამ იქ, სადაც დაკ-
რულვილის სარწმუნოების წინაშე ბრალეულობის დამტ-
კიცება ასე-თუ-ისე შეიძლებოდა, ეკლესიის მესვეურნი
ალბად უკან არ იხევდენ. მაინც რასაკვირველია, მღვდელთ-

შთაგართ, მონღოლთა ბატონობის ამ ხანაში, ულუ-დავითის დროს, როდესაც წინანდელი ზნეობრივი საფუძველი შეირყა და ცხოვრება უკვე ძირიანად აფორიაქებული იყო, მარტო ამ თავიანთი იარაღით, მთავრობის დაუხმარებლივ, ბრძოლის მოგება არ შეეძლო. პირიქით, სოციალ-ეკონომიური კრიზისის შესამსუბუქებლად საქართველოს მთავრობის მხრით ასეთი ღონისძიების გამოყენება სხვებსაც მაგალითს აძლევდა. შესაძლებელი იყო, როგორც თანამედროვე, ისევე მომავალ თაობათა შორისაც; მიმბაძელები გამოსჩენოდენ: განა კერძო პირთა შენაწირევი მიწები-კი ეკლესია-მონასტრებს ცოტა ჰქონდა?

სწორედ ამიტომ არის, რომ კრების მონაწილენი ულუ-დავითის ეკითხებოდენ, თუ თქვენ თქვენივე წინაპრების საბუთებს არ ასრულებთ და ეკლესის შელახულ უფლებებს არ აღადგენთ, სხვას ვის-ლა უნდა მივმართოთ, ანდა განა ამის შემდგომ თქვენი სიგლების დარღვევას-კი ვინმე მოერიდებათ: „თუ თქუნსა მეფობასა შინა არ შეჰქაზმავთ საყდართა და მონასტერთა და ირა უბოძებთ კელთა მათთა საქონებელთა, ვინმცა დაუურვა, ანუ ვინმცა არა ჰქადრა თქუნთა სიგლებ-ნიშნებთა გატეხად“. თქვენ უნდა იცოდეთ, რომ ამაზე უმძიმესი ცოდვა არაფერია, როგორც „ცოდვისა სახელ და იგავად დადებად მომავალთა და ყოფადთა უამათა და კაცთათუის მისათხრობელ-მოსაკუსენებლად“-აო.

ეკლესიისათვის შეწირული მიწების ჩამორთმევა და გაცემა რომ უკვე ამ დროს მარტო მთავრობის საქმე აღარ იყო და კერძო პირებიც, შემწირველთა მომდევნო შთამომავლობა და ნათესაობაც, ამავე გზას დასდგომიან, ამას ქახა მეჭურჭლეთ-უხუცესის 1259 წ. რკონის სიგელში მოყვანილი სიტყვებიც ცხალ-ჰყოფენ: „თუ ვინ ამისი მომშლელი გამოვიდეს, ანუ შვილი, ანუ ძმა, ანუ მოყუასი, ანუ ყუთლუარსლან ვითარ ყოდა გითა კირშიშ ელარიონს

ურო, თუ აბხაზთა (ე. ი. საქართველოს) მეფეთა წარიკითხონ ესე ჩემი დაწერილი და მათ არა მიასაბიონ (ე. ი. დამტკიცებით დამეხმარონ), მათ ჰყითხოს ღმერთმან, და ვინ ჩემისა გუარისა სხუაი იყოს, თუ მან არ მიასაბიოს, მასცა უგმია ღმერთი“—ო (ქუბი II, 136). მაშასადამე, დიდგვარიან აზნაურთაგან 1259 წ.-ისათვის ორს, ყუთლუარსლანს (რომელიც საფიქრებელია თამარის-დროინდელი ცნობილი პირი არ უნდა იყოს) და ქირშიშს თავიანთი წინაპრების შეწირულობის დარღვევით უკვე გაუთქვამთ სახელი და ასეთ საქციელს იმდენად უკვე შესჩევიან, რომ კახას აღარავინ ეგულებოდა, ვისაც მომავალში ასეთი საქმის ჩადენა არ შეეძლოს: თვით საკუთარ ქმაზე და შვილზეც-კი, რომლის შეძენის იმედი მას ჰქონდა, კახას ამ მხრივ ეჭვი გულითგან ვერ ამოუშლია!

როდესაც ეკლესიის მესვეურნი გაცემული მიწების მფლობელებს ამ უძრავი ქონების უკან დაბრუნებას სთხოვდენ, ისინი თურმე ცივსა და გადაჭრილ უარს ეუბნებოდენ. საეკლესიო კრების მონაწილეთა სიტყვით მათ ასეთი პასუხი მიუღიათ: „თუდით პირად და ზედაით-დალმა ამას გუეუბნებიან, «მქონებელი და მნებებელი საყდართა და მონასტრებთა საქონებელთა ქონებისაი პატრონი არ დაგუადებინებს და არცა წაგუილებს, რომელსა სიგლითა უბოძებია,— და თქუენ არ დაგიდებთ და არცა გუემართლებით დადებინებასა,— ქრისტიანული მოგცემი»—ო (იქვე).

ამ ცნობითგან ჩანს, რომ გაცემული საეკლესიო ქონების ახალ მფლობელთა საბუთიანობა იმ დებულებაზე ყოფილა დამყარებული, რომ, რაკი წინანდელ მეფეთაგან საყდარ-მონასტრებისათვის შეწირული მიწების მზრუნველი მეფე ულუ-დავითი, ვითარცა კანონიერი მექვიდრე, ამასთანავე მათი პატრონიც, მქონებელიცა და მნებებელიც, რომელმაც ეს ოდესლაც საყდარ-მონასტრებისათვის შეწირული ქონება მათ სიგლით უბოძა, ამ მიწების უკან

დაბრუნებას არ თხოულობდა, ეპლესიასაც უპვე უფლება აღარა ჰქონდა, რომ მათგან ამ გაცემული მიწების დაბრუნება მოეთხოვა. ამ მსჯელობითგანა ჩანს, რომ მეტისა და საქართველოს მთავრობის განკარგულებით საყდარ-მონასტრებისათვის ჩამორთმეული და გადაცემული მიწების უფლების მქონებლად მხოლოდ მეფე და ამ მიწების თავდაპირველი მფლობელნი მიაჩნდათ და ფიქრობდენ, რომ მათი უკან დაბრუნების მოთხოვნაც მარტო მათვე შეეძლოთ.

ამგვარად მათი პასუხი მოკლედ ასე შეიძლება გამოითქას: თუ საყდარ-მონასტრების მესვეურთ გაცემული მამულებისა და ქონების უკან დაბრუნების სურვილი ჰქონდათ, უნდა იმავე სახელმწიფო ხელისუფლებისათვის მიემართათ, რომელმაც ეს მიწები გასცა. მაგრამ ეს იყო რასაკვირველია ფორმალ-უფლებრივი პასუხი და, თუ გაცემული მიწების პატრონთა საბუთიანობა ამ მხრივ უზადოა, ამ სადაც საკითხს ზნეობრივ-უფლებრივი მხარეც ჰქონდა და ამ თვალსაზრისით-კი რომ დაიწყებოდა კამათი, მათ არ შეეძლოთ უარესოთ, რომ ამ მიწების ახალ მფლობელებად ისინი მხოლოდ ძველი, კანონიერად შედგნილი, საბუთების,— შეწირულების წიგნებისა და ანდერძების,— ძალით შექმნილი უფლების დარღვეულობის წყალობით იქცნენ, ანუ, თუ ასე შეიძლება ითქვას, თავიანთი ახალი ფორმალურად კანონიერი უფლება ძველი კანონიერივე უფლებრივი მდგომარეობის დარღვევითა და ექლესიისათვის ქონებრივი ზარალის მიყენებით მოიპოვეს.

| გაცემული მიწების ახალი მფლობელების ზნეობრივ-უფლებრივი შეგნება, რომ ამ მხრივ მთლად დამშვიდებული არ ყოფილა, ამას ის გარემოებაც ამტკიცებს, რომ მათ საყდარ-მონასტრების მესვეურთათვის ერთგვარი ქონებრივი საზღაურიც-კი შეუძლევიათ: „ქროამს მოგცემთ“-ო. ცხადია, რომ ამით მათ ასე-თუ-ისე ამ დავის მშვიდობიანი შეთანხმებით დამთავრება ჰსურვებიათ, რომ

მათი მფლობელობის უცილობელ იურიდიულ უფლებას, ნებაყოფლობითი შეთანხმების გზით, ზნეობრივი საფუძველიც მოჰქოვებოდა.

§ 5. ბრძოლით დამყარებული ვითარება მაშინდელ საქართველოში.

ატეხილი უსიამოვნება რომ მთავრობისა და ეკლესიის ბრძოლად იქცა, ამის შემდგომაც ეს ბრძოლა, რა თქმა უნდა, მარტო მათ შორის არ სწარმოებდა. მრევლიც, ხალხიც მათ თვალყურსაც ადევნებდა და წინანდებურად მაინც მხურვალე მონაწილეობას იღებდა.

კრიზისის შესანელებლად მთავრობისაგან ნახმარმალონისძიებამ კრიზისისაგან დაზარალებულთა წრეებში მეფესა და ვაზირებს, რასაცვირველია, თანაგრძნობა და სიყვარული მოუპოვა. კერძო პირთაგან მთავრობის მსგავსად მათი წინაპრების საეკლესიოდ შეწირული მიწების მითვისებამ-კი ეკლესიის მდგომარეობა უფრო გააუარესა. ეპისკოპოზებსა და მონასტრის მესვეურთ უბრძოლველად „მიტაცებული“ ქონების დანებება არ ჰქონდათ. რაკი მარჯველ მოფიქრებული ბრძოლის გეგმა, დაკრულვილთა მთავრობისაგან გამოქომავების გამო, ჩაიშალა, ამიტომ საქმეისე დატრიალდა, რომ ეკლესია უნდა თავის სამწყსოს თვითნება წევრებსაც და უნებლიერ თვით საქართველოს მთავრობასაც შექმნავდა.

ამ დროს ატეხილი ბრძოლის გამო, მრევლის დაინტერესებულ წრეებში ელესიის მესვეურებისადმი მტრულმა გრძნობამ იჩინა თავი და გამწვავებული დამოკიდებულება დამყარდა: ამ წრეებმა ეკლესია თავის - მოძულედ, მთავრობა-კი თავისი არსებობის საბრალო პირობების გამოსწორებისათვის მზრუნველად მიიჩნიეს, საქართველოს იმდროინდელი ეკლესიის ასეთი-

მძიმე მდგომარეობა თვით საეკლესიო კრების ძეგლისწერაშიც არის აწერილი. ამ კრების მონაწილენი ტითონაც ვეღარ მაღავდენ და გულახდილად ამბობდენ: „არღარავისგან გუაქუს პატივი, არც სჯულსა და არც ებისკოპოზთა, არც მონაზონთა, არც ხუცესთა, არც მღვდელთა, არც მიპრონსა, არც ქარებისკოპოსთა, ყუელაი ყუელასა უპატიოდ, შეურაცხად, გინებით და ბასრობით ვჰყავთ“-ო (აქვე).

კრების მონაწილენი ფიქრობდენ, რომ მრევლის მათდამი ასეთი მტრული განწყობილება და ამნაირი უპატივცემლობა საქართველოს მთავრობის წყალობით წარმოიშვა. ულუ-დავითს საეკლესიო კრება პირდაპირ ეუბნებოდა კიდევაც: „რად უპატიო ჰყოფთ პატიოსნებასა და საკრძალვობოსა ამის საქმისა საქმისა? რომელი მეფე იქნების უპატიო-მყოფელი, შეურაცხად მკასენებელი ებისკოპოზთა და მონაზონთა?.. თუ თქუენ უპატიოდ გყავთ, ვანმცა არა შეურაც-გვყვნა, ვინმცა არა გუაგინნა, ვინმცა არა უპატიოდ და ჰავად არა დაგუკადნა“-ო (აქვე).

რაკი დაკრულვითა და მოლაპარაკებით თვითონეულ კერძო შემთხვევაში არაფერი გამოდიოდა, პირიქით საქმე უფრო-და-უფრო რთულდებოდა კიდევაც, რაოგან შეწირული მიწების მიტაცება ლამის გადამდებ სენად ქცეულიყო, მთავრობა და თვით მეფეც, ეკლესიისათვის მხარის დაჭერისა და დახმარების მაგიერ, შესაჩივლელად მიმსვლელი მისი წარმომადგენლების შეურაცხყოფის მიყენებასაც-კი არ მოპრიდებიან, ამიტომ საქართველოს ეკლესიის მესვეურთ გადაუწყვეტიათ, რომ ამ გამანადგურებელ მიმართულებას შეერთებული ძალითა და უუკიდურესად მკაცრი საშუალებით შეპბრძოლებოდენ.] ამ მიზნით მოწვეული იყო საეკლესიო კრება, რომელმაც, შექმნილი მდგომარეობის შესახებ მსჯელობის შემდგომ, გადასწყვიტა მეფისა, მთავრობისათვის და საყოველთაოდ ეცნობებინათ,

რომ ექლესიის მოთმინების ფიალა აივსო და, თუ მისი შე-ლახული უფლებები აღდგენილი არ იქმნებოდა, მას, უკი-დურესი საშუალებისათვის მიმართვას გარდა, სხვა გზა აღარ დარჩენია.

§ 6. 1263 წ. საეპლესიო პრეზიდენტის დადგენილება, მიუცისადმი
წარდგენილი მოხსენება და ულტიმატუმი.

1263 წ. მოწვეულმა· საეკლესიო კრებამ, საქმის ვი-
თარებაზე და უაღრესად სახიფათო მდგომარეობაზე მსჯე-
ლობისა და ასეთი განსაკლების წინააღმდეგ საბრძოლ-
ვილად ყველა შესაძლებელი საშუალების აწონ-დაწონის
შემდგომ, მეფისა და მთავრობისათვის ვრცელი, დასაბუ-
თებული მოხსენებისა და გადაჭრილი მოთხოვნილების წარ-
დგენა გადასწყვიტა და აასრულა კიდევაც.

ცენტრ-არქივში გ. გ თ ზ ა ლ ი შ ვ ი ლ მ ა 1925 წ.
იპოვა ულუ-დავითის-დროინდელი ამ საეკლესიო კრების
დადგენილების თვით დედანი, რომლის ტექსტიც პირველად
თ. ჟორდანიამ მე-17 საუკუნის პირის მიხედვით დაბეჭდა
(ქრონიკები და სხვა მასალები... II, გვ. 163—166).

გ. გ თ ზ ა ლ ი შ ვ ი ლ მ ა მისი ტექსტი ცენტრარქივის
„საისტორიო მოამბე“—ში გამოაქვეყნა (1925 წ. II, 219-224).
მისი სიტყვით, „საბუთი დაწერილია ქალალდზე (ზომით
 $44\frac{3}{4} \times 24\frac{1}{2}$ სანტიმ. მაქსიმ.) მე-XIII საუკუნის ლამაზი
მხედრული ხელით. დასაწყისი დაზიანებულია და ზოგიერ-
თი სიტყვა არ იკითხება, მაგრამ ალბად იგივე უნდა წე-
რებულიყო, რაც ჟორდანიას მიერ დაბეჭდილში, რად-
გან ტექსტი სხვაში ერთმანეთს ეთანხმება. ამის მიუხედა-
ვად ჟორდანიას ტექსტი და ჩვენი საბუთი ბევრ რა-
მეში განსხვავდებიან. წვრილმან განსხვავებათა გარდა,
თვალსაჩინო განსხვავებაც საკმაოა“—ო.

გ. გოზალი შვილს ეს ძეგლი საერთოდ კარგად აქვს გამოცემული, მაგრამ ხელოთნაწერში აქა-იქ ტექსტი იმდენად წარყვნილია, რომ მოხსენება-ულტიმატუმის აზრი დამახინჯებულია, ამიტომ აქ ამ ძეგლის აღდგენილი ტექსტის დაბეჭდვაა საჭირო. აი თვით ძეგლიც:

[გევედრებით და ვრეკთ კარსა მოწყალებისა თქვენისასა მოიწყინეთ ჭრტინვა] ჩუენი და სიგლახაკე და უქონებელი... და ობლად დასხმულნი ეკლესიანი ღვთისანი შეიწყალენით, განშიშულებანი [სამართ]ლით შემოსენით, იკსენით დაწუნებულნი, უსაჯეთ სამართალი მართალი, რახთა მართალთა თანა დაეწესნ---ებისაგან მწარისა, ვითარცა იტყუის წინაისწარმეტყუელისა პირითა უფლი საბაოთ ღ-თი წ-დად ისრავლისად. „რომელმან გამოიყვანოს პატიოსანი უპატიოებისაგან, ვითარცა პირი ჩემი იყოსა“. - რომელთა პირველი არის თავი სჯულისა და ეკლესიათად მცხე[თა] და, უკუეთუ თავსა, ჯერეთცა ნედლსა, ესრეთ ეყოს, კელ-ფერე-რე-თით-მწუერვ(ა)ლებამან რადმცრა ინაყოფეს:- კ-დ იტყუის: „აღუთქუ და აღუსრულე უფალსა ყული აღნათქუემიო“ და „უმჯობეს არს არა აღთქუმაა, ვიდრე აღთქუმაა და არა აღსრულებაა“.

სრულ ყავთ, წ-დაო და ქ-ტე-მოსილო მეთეო ბრძანებული ესე, თქუენი სიტყუანი საქმით სრულ-ყვენით: მოაღებინეთ სიგლები და ნიშნები ყუელად ყუელას, ვისოვისცა გიბოძებია.

[არა] თუ ჩუენთუის რასამე და ჩუენისა შეძენისათუს ვიწყინებით, მაგრა სლ-თოდ შ[ე]წერულისა ს-ლთოდვე კამს ქონებად და მიყენებად და თვით საყდართა ქონებად დიდად უფრო თქუენი ქონებადა:—

აწ, თუ ერთხელ საჭურჭლესა თქუენსა შინა შემოღებული და ერთგზის თქუენთუის შემოძლუნებული, თუალთა და მარგალიტთა და ქურჭელთა

ოქროს და ვერცხლისათა თანაც რამე მცირე, ანუ
გინა დიდი საჭურჭლესა შინა თქუენსა მდებარე გა-
მოიღოს ვინმე, ანუ თქუენვე შემოგწიროს, ანუ წა-
რაგოს სადმე, ნიკნიმცა მიანიჭენით, ანუ პატივნი
და ქებანი ალვარენით, არამცა უფროს რისხვეულ
და პატიჟეულ ჰყავით?

ღ თისთუის შეწირულთა ადგილთა¹ ეაზირი, მა-
წუეველი, მნებებელი² და მაქნეველი გაცემისაი ვი-
თამცა არა ღ თისაგან რისხვეულ იქმნა და ვინც
იყადრებს და გაქნევს, ვითა კეთილის მამოქმედებელს
კეთილი ნიჭი მიენიჭების ღ თისა მიერ, ეგრეთვე
ბოროტისა მიზეზი ბოროტსა მოისთულებს.

ვიცით, რომე მრავალნი კადრებენ უამისა ძნელ-
ბედობასა და საჭიროობასა, მაგრა ამის უძნელბედეს-
ნიც ყოფილან მაშინ უამნი, ოდეს დიდი კათოლიკე
ეკლესიად შენებულა, ჰასრე რომე ჯაფარ ამირად
ჯდომილა ტფილის და ქალაქი სპარსთა ჰქონე-
ბია, და თვით რამცა მიზეზი არავინ კადრა საყ-
დართა ქუეყნის ქონებისა და დარღუევის მნებებელ-
მან? „ყოველი დრკუდ მავალი მიზეზობად მზაო (sic)-,
მაგრა ნუ მისცემთ გზასა მეტყუელთა ესე-ვითარისა
მეტყუელებისათა.

სამოცდამეათხუთმეტენი შვილნი ხართ თქუენ-
თა გუართანი და რომელი მეფე თქუენთა ოდენთა
ჭირთა, ლუაწლთა და განსაცდელთაგან კსნილა, ვითა
ღ თისა, თქუენსა მჯსნელსა, თქუენ უკსნიხართ, და
არცა რომელსა მეფესა თქუენგან უფრო ღ თისა გზი-
სა დაჭირვად ჰმართებია. და ამ სამოცდაათხუთმეტთა
თქუენთა გარდასრულთა მეფობათა შიგა უფროსი და
უმრავლესი უამი ამისაგან უძნელესი და უბოროტესი.

1. * გაცემის 2. მქნეველი და მნებებელი.

ყოფილა, ვითა ქართლისა ცხორებად გამოაჩენს. რომელსა დიდებულსა, ანუ აზნაურსა, ანუ დარბაზის ერსა, ანუ გლეხსა სიგელი, თქუენთა გუართაგან ბოძებული [აქუს] და, თუ ვის აქუს, არავინ დაპირავს, რად არავინ გაომაჩინა, რომე საყდართა სოფელი ვის ზედა გაცემული იყოს და ეწეროს, თუინიერ ამისასა, რომე თქუენ გაგიცემიან და გაგიბოძებიან სიგლითა:-

ესეც იუწყოს წ-ნ მეფობამან თქუენმან აწ შეკრებულისა ამისა კრებისაგან: წესი სახლისა და პალატისა თქუენისად ესე ყოფილა: ვინცა ვინ¹ დაკრულვილა, რაღთაც მიზეზითა და საჭიროა, თქუენ მიერცა შერისხულა, მამული დასჭირვია და ლაშქართა შიგან არ შეშუებულა. აწ თუ ვის დავჭკრულავთ, გამოაჭენებს თქუენს დარბაზისა და თქუენთა ვაზირთა მოპირობებს, ბრძანებასა და კაცს უბოძებთ, ჯუარი დასწერეო, გაწყრომისა და ჰავად გაკდის ნაცვლად. ესე უწესოი წესი ნულაროდეს იქნების, ნუც დაგუემართების. ვისაც დავჭკრულვიდეთ, თქუენც შეჭრისხევდეთ და კრმლითა თანა-უდეგით სჯულთა და წესთა სამღვდელოთა, სალთოთა წერილთა მოძღვრებისაებრ. თუ თქუენსა მეფობასა შიგა არ შეჰქაზმავთ საყდართა და მონასტერთა და არა უბოძებთ კელთა მათთა საქონებელთა, ვინმცალა დაუურვა, ანუ ვინმალა [არა] ჰქადრა თქუენთა სიგლებ-ნიშნებთა გატეხად:

ცოდვად ეგრე ბრალი და ცოდვად არ არის, ვითა ცოდვისად სახედ და იგავად დადებად მომავალთა და ყოფადთა ქამთა და კაცთათუის მისათხრობელმოსაც სენებელად. არლარავისგან გუაქუს პატივი, არც

^{1.} აქ რაღაც სიტყვა არის დაწერილი და ისევ წაშლილი ხაზების გასმით.

სჯულსა და არც ებისკოპოსთა, არც მონაზონთა, არც ხუცესთა, არც მღვდელთა, არც მიჰრონსა, არც ქორებისკოპოსთა! ყუელა ყუელასა უპატიოდ, შეურაცხად, გინებით და ბასრობით ვჰყავთ. რად დაჰკესნით წესსა საქებელსა, რად უპატიო ჰყოფთ პატიოსნობასა და საკრძალვობასა ამის სახისა საქმისასა? რომელი მეფე იქნების უპატიო-მყოფელი, შეურაცხად მესენებელი ებისკოპოსთა და მონაზონთად? ¹. თქუენ სიყრმითგან ღრთივ-სწავლულნი ხართ და სალმთონი წერილნი ზეპირათ უწყნით: რომელთა საქმეთ მოქმედი მეფე იქნების, ანუ რომელთად იყუედრების! რანიც პატივნი თქუენთა გუართაგან ზედსხმიან ებისკოპოსთა და მონაზონთა, მასვე თქუენგან ვილირსებოდეთ და, თუ თქუენ უპატიოდ გყავთ, ვინმცა არა შეურაცხ-გუყვნა, ვინმცა არა გუაგინნა, ვინმცა არა უპატიოდ და ჰავად დაგუკადნა? თუით პირად და ზედაით დაღმა ამას გუეუბნებიან: „მქონებელი და მნებებელი საყდართა და მონასტერთა საქონებელთა ქონებისაი, პატრონი, არ დაგუადებინებს და არცა წაგუიღებს, რომელს სიგლითა უბოძებია, და თქუენ არ[ც] დაგიღებთ და არც გუემართლებით დადებინებასა, ქრთამსა მოგცემოო“. ამა საქმესა თქუენვე სწამლეთ და დასდევთ ემბლასტროვ საკურნებელი:-

ნუცა ვინ ყალნობის მიზეზს შემოიღებს: რაჯცა საყდართა საქონებელთა ყალანი ჰმართებს, მისნიც მზღველნი ვართ, და არას უკუ ვადგებით და თქუენსა თქუენნი თქუენთაგან განაღამცა გმსახურებდით, ძალისაებრ და შეძლებისა ჩუენისა!

¹ ამის შემდეგ დაწერილია იმავე ხელით უფრო წვრილი ასოებით და სუფთად, ტექსტი უფრო მქრთალად სჩანს.

ესე ამისა კრებისა, აშ შეკრებულისა, ძალი ყოველთა შორის საცნაურ იყავნ წ-სა და თუით-მპყრობელისა მეფეთა მეფობისა თქუენისა წინაშე, რომელ, თუ ღ-თი გურისხავს და მიუდრეკელი და წდ-ად გონებად თქუენი, ცოდვათა ჩუენთა სიმრავლისაგან, მიდრების და ესე რაც გუიკადრებია და მოგუიკენებია, არ დაგუეურვების ჩვენითა წესთა¹, რაცა დაგუპირებია, მისი მქნელნი ვართ: არცა მიჭრონსა გავჭესნით, საქართველოსა ეკლესიათა დავპტეჭდავთ, ხუცესთა დავაყენებთ წირვისა და ნათვლისა და სამკუდროთა ზიარებისაგან! თუინიერ ამისისა ქნისა, სხუისა ღონისა ყუელისაგან ულონო ვართ, და ნუთუ ამისითა ქნითა, სხუათ სჯულთა და სხუათ ტომთაგან² მეფობასა თქუენსა საწყინო რამე შემოუვიდეს და სჯულიცა ჩუენი დაკნიდეს! ეზომის კადნიერებისა და წყენა-კადრებისათუის, ვითა საშინელისა ღ-თისა საშინელებათაგან, ვძრწით და ვიშიშვით, გარნა საღმრთონი სჯულნი მეფეთაცა ზედა მთავრობად ბრძანებულან და, სადა ღ-თი დაგუჭირდების, მუნ ყოველსავე შეურაცხვპოფთ, და „მაუნებელი კაცთაც ქ-ტესცა მონა არ ვიყოვო,“ წ-დად მოციქული პავლე ბრძანებს! აშ აქა შეყრილნი და გაუყრელნი და მომლოდენი ამისისა დაურვებისანი ყ-ელნივე აქა ვართ და ულოცავთ წ-ასა მეფეთ-მეფობასა თქუენსა:-

¹ საეკლესიო კრების მიერ წარდგენილ მოხსენება-ულტიმატუმში საბუთიანობა საღმრთო წერილის იმ დებულებაზეა დამყარებული, რომ „აღუთქუ და აღუსრულე უფალსა ყოველი აღნათქუემი“, და უმჯობეს არს არა აღთქუმად, ვიდრე ართქუმად და არა აღსრულებად“-ო (აქვე).

1. და 2. სხუას სტომთაგან.

რაკი მიწები საქართველოს მეფეთა შეწირული იყო, ეს შეწირულებაც ისეთივე ალთქმაა, რომელიც უეპველად შესრულებული უნდა ყოფილიყო, მით უმეტეს, რომ ღვთი-სათვის შეწირული ქონება სალმრთოდვე უნდა იყოს დაცუ-ლი და გამოყენებულიო. როგორც სახელმწიფო საჭურპლეში შეტანილი განძეულობის გატანისა და გაფლანგვისათ-ვის ოქვენ, მეფეო, დამნაშავეს, რასაკვირველია, „რისხ-ვეულ და პატიუეულ“ ჰყოფდით და დასჯიდით, ისევე უნ-და მოპყრობოდით უეპველია საეკლესიო ქონების გაცემის მრჩეველსაც) ამის მაგიერ-კი, საეპისკოპოზო საყდრებისა და მონასტრების მიწები „ოქუენ გაგიცემიან და გაგიბოძე-ბიან სიგლითა“ -ო) ამნაირად წამოყენებული დებულებით საეკლესიო კრებას უნდოდა, უხეში სიტყვის უხმარებლივ, ოვით მეფისათვის მაინც ეგრძნობინებინა, რომ მისი და მისი მთავრობის მოქმედება ამ შემთხვევაში სხვის ქონე-ბის მიტაცება-მითვისებად და გაფლანგვად მიაჩნდათ.

ამას გარდა, თუ თქვენი წინაპრების შეწირულების წიგნებს თქვენ თითონვე არღვევთ, ამის შემდგომ „ვინმცა არა ჰქადრა თქუენთა სიგლებ-ნიშნებთა გატეხავ“ -ო.

მართალია, ესეც კარგად „ვიცით, რომ მრავალნი“ მიწების მიტაცება-გაცემის მოსაბოდიშებლად და გასამართ-ლებლად „კადრებენ უამისა ძნელბედობასა და საჭიროობასა, მაგრა ამის უძნელ-ბედესნიც ყოფილან მაშინ უამნი, ოდეს დიდი კათოლიკე ეკლესია (სვეტიცხოველი იგულისხმე-ბა) შენებულა, ჰასრე, რომე ჯაფარ ამირად ჯდომილა ტფილისს და ქალაქი სპარსთა ჰქონებია“ და მაშინ რატომ „ოვით რამკა მიზეზი არავინ კადრა საყდართა ქუეყნის ქონებას და დარღულევის მნებებელმან“ -ო? მაგრამ ცნობილია, რომ „ყოველი დრკულ მავალი მიზეზობად მზააო“.

თქვენ ასეთ მსჯელობასა და მობოდიშებას ყური არ უნდა უგდოთ, „ნუ მისცემთ გზასა მეტყუელთა ესე-ვითა-რისა მეტყუელებისათა“, რათგან სამოცდათხუთმეტ თქვენზე

უწინარეს მყოფ „თქუენთა გარდასრულთა მეფობათა ში-
ვა უფროხესი და უმრავლესი ჟამი ამისგან უძნელესი
და უბოროტესი ყოფილა, ვითა ქართლის ცხორებად გა-
მოაჩეს“ ამაზე უფრო ცუდი დროცა და უფრო მძიმე
პირობებიც ყოფილაო.

ამასთანავე თქვენ „სამოცდამეათხუთმეტენი ხართ
თქუენთა გუართანი და რომელი მეფე თქუენთა ოდენთა
ჭირთა, ღუაწლთა და განსაცდელთაგან კანილა, ვითა
ღმერთსა, თქუენსა მესნელსა, თქუენ უკანიხართ“ და სწო-
რედ ამიტომ „არცა რომელსა მეფესა თქუენგან უფრო
ღმრთისა გზისა დაჭირვად ჰმართებია“ (აქვე), არავის
თქვენოდენი განსაცდელი არ გამოუვლია და არ გადარჩე-
ნილა, რისთვისაც ღმერთს მაღლი უნდა შესწიროთ და
მისი ყველა მცნება დაიტვათო.

საეკლესიო კრება მეფე ულუ-დავითს აგონებდა აგ-
რეთვე, რომ მის და საქართველოს ვაზირებისაგან დარღ-
ვეულია ქართული სახელმწიფო სამართლის ის ძირითადი
დებულება („წესი სახლისა და პალატისა თქუენისად“),
რომლის მიხედვითაც „ვინცა ვინ“ ეკლესიისაგან „დაკრულ-
ვილა რახთაც მიზეზითა და საქმითა“, საქართველოს
მთავრობის მიერაც, დაკრულვილობის მიზეზის განუხილა-
ვად, „შერისხულა: მამული დასჭირვია და ლაშქართა შიგან
არ შეშვებულა“. ამის მაგიერ ეხლა დაკრულვილი „თქუენს
დარბაზსა და თქუენთა ვაზირთა მოპმართებს“ თუ არა,
„განწყრომისა და ჰავად გაკდის ნაცვლად“, მთავრობა საქ-
მეში ერევა, დაკრულვილს ესარჩილება და „ბრძანებასა და
კაცს უბოძებთ“, რომლის ძალითაც კრულვა უნდა ახსნი-
ლი იყოსო. კრება გადაჭრით თხოულობდა, რომ ასეთ
საქმეებში. მთავრობის ჩარევა ერთხელ და სამუდამოდ
მოსპობილიყო და დაკრულვილს, წინანდელი წესისდა მი-
ხედვით, მთავრობისაგან მოქალაქობრივი უფლებებიც ჩა-
მოჭროთმეოდა: „ესე უწესოდ წესი ნულაროდეს იქმნების,

ნუც დაგუემართების“, არამედ, „ვისაც დავჭკრულვიდეთ, თქუნც შეპრისხევდით და კრმლითა თანა უდევით სჯულთა და წესთა სამღდელოთა, საღთოთა წერილთა მოძღურებისაებრ“! (აქვე).

რაცი, საეკლესიო მიწების მიტაცების გამო ატეხილი ბრძოლის დროს, მთავრობას ასე გარკვევით ექლესიის პრეტენზიების საწინააღმდეგო მიმართულება ჰქონია არჩეული და ეკლესიის წარმომადგენლებს მწვავე ცილობის დროს მთავრობისაგან უპატივცემლობა და შეურაცხყოფაც კი უნახავთ, ამიტომ საეკლესიო კრება მეფეს სთხოვდა: „რანიც პატივნი თქუნთა გუართაგან ზედა-სხმიან ებისკოპოზთა და მონაზონთა, მასვე თქუნგან ველირსებოდეთ“-ო (აქვე).

თუმცა, როგორც უკვე აღნიშნული გვქონდა, კრებამ ქონებრივი გაჭირვებითა და ცხოვრების მძიმე პირობებით საეკლესიო მიწების გაცემა-მიტაცების მობოდიშება უსაფუძვლო მომიზეზებად გამოაცხადა, მაგრამ საქმე რომ მთლად ასე არ იყო, ამის უარყოფა არც მას შეეძლო. ერთის მხრით სახელმწიფო ხაზინის გაჭირვებული ფინანსიური მდგომარეობა და მრავალგვარი ხარკითა და გადასახადების ტვირთით საქართველოს გაღარიბებული მკვიდრნი, მეორეს მხრით ყოველგვარი შეუვალობით აღჭურვილი ეკლესიის ქონებრივი კეთილდღეობა იმდენად დიდ კონტრასტს წარმოადგენდა, რომ ამ განსხვავებასა და უთანასწორობას ყველა ცხადად გრძნობდა. ამაში რომ ბევრს უნებლიერ ერთგვარი უსამართლობისა და ფინანსიური დატვირთულობის უსწორმასწორობის დანახვა შეეძლო, ეს, როგორც ეტყობა, საეკლესიო კრებასაც მშვენიერად ესმოდა. მისთვისაც ამის გამო ცხადი იყო, რომ ეკლესიას, ქონებრივი, საგადასახადო და მოქალაქობრივი ტვირთის თვეის თავზე აულებლივ, საქართველოში აღმოცენებული ამ მიმართულება-მოძრაობისა და ატეხილი გამწვავებული ბრძოლის არამცულ სრულ მოსპობაზე, არამედ მის შენე-

ლებაზეც-კი ოცნება არ შეეძლო. ამიტომაც არის, რომ საეკლესიო კრების წევრთ, ზემომოყვანილი მრავალ გვარი საბუთიანობის შემდგომ, მაინც აუცილებლად საჭიროდ უცვნიათ თავიანთ ძეგლისწერაში მთავრობისათვის გარკვევით ეცნობებიათ, რომ ისინი ყოველნაირი ხარჯისა და გადასახადების გამოლებას იკისრებდენ, რაც-კი ექლესიისათვის შეწირულ მიწებს შეხვდებოდა. მეფისათვის მირთმეულ განცხადებაში მათ ნათქვამი აქვთ: მოგახსენებთ, რომ საეკლესიო მიწების გაცემის გასამართლებლად „ნუცა ვინ ყალნობის მიზეზს შემოიღებს“, რათგან „რადცა საყდართა საქონებელთა ყალანი ჰმართებს, მისნიცა მზღველნი ვართ და არას უკუ-ვადგებით“, ხოლო „თქუენსა (იგულისხმება გადასახარად-სამსახურს) თქუენნი თქუენთაგან განალამცა გმსახურებდით ძალისაებრ და შეძლებისა ჩუენისა“-ო (აქვე).

ამგვარად, საქართველოს ეკლესია მეფეთაგან შეწირული მიწების შეუვალობაზე უარს ამბობდა და საგადასახადო ტვირთის ზიდვასაც კისრულობდა, ოღონდ შეწირული მიწები გაუცემელი შეენარჩუნებინა და გაცემული უკან დაებრუნებინა. ამით საეკლესიო კრებას იმ მთავარი მიზეზის მოსპობა უნდოდა, რომლითაც საქართველოს მაშინდელი მთავრობა საეკლესიოდ შეწირული მიწების გაცემის აუცილებლობას ამართლებდა.

მაგრამ საეკლესიო კრება დარწუნებული არ ყოფილა, რომ საღმრთო წერილზე, ზნეობრივ მოსაზრებებზე და წინანდელ უფლებრივ წესებზე დამყარებული მთელი მისი აბუთიანობაცა და შეუვალობის უპირატესობაზე ნებაყოფლობითი, თუ უნებლიერი უარისთვემა და საგადასახადო ტვირთის თავის თავზე აღებაც ჯეროვან შთაბეჭდილებას მოახდენდა და ეკლესიის შელახული უფლების აღდგენას ხელს შეუწყობდა. ამიტომ თავის მიმართვაში შეყრილ სამღვდელოებას საჭიროდ დაუნახავს მეფე, მთავრობა და

ხალხი გაეფრთხილებინა, რომ, თუ საეკლესიო კრების მოთხოვნა დაქმაყოფილებული არ იქმნებოდა და შელახული უფლებები აღდგენილი არ იქმნებოდა, უკიდურეს საბრძოლველ საშუალებისათვის მიმართვასაც არ დაერიდებოდა. საეკლესიო კრების უნდოდა ამით ეკლესიის ძალა ყველასთვის ეგრძნობინებინა. საეკლესიო კრების მიმართვა ამის გამო გაფრთხილებითა და მუქარით თავდება და შემდეგნაირად არის დაწერილი: „ესე ამის კრებისა, აწ შეკრებულისა, ძალი ყოველთა შორის საცავურ იყავნ წმიდისა და თუით-მპყრობელისა მეფეთა-მეფობისა თქუენისა წინაშე“, რომ „თუ ღმერთი გურისხავს და მიუდრეკელი და წმიდა გონება თქუენი... მიდრკების და ესე, რაც გუიკადრებია და მოგუიკსენებია, არ დაგუეურვების ჩუენითა წესითა, რაც დაგუიპირებია, მისნი მქნელნი ვართ,—არცა მიპრონსა გავკანით, საქართველოსა ეკლესიათა დავძბეჭდავთ, ხუცესთა დავაყენებთ წირვისა და ნათლვისა და სამკუდროთა ზიარებისაგან“—ო (აქვე).

მაშინდელი შეხედულებით ამ უმკაცრესი სასჯელის საბრძოლველ საშუალებად გამოყენების გასამართლებლად, კრების მონაწილეთ აღნიშნული აქვთ, რომ ამის გარდა მათ აღარაფერი დარჩენილათ: „თუინიერ ამისისა ქნისა სხუისა ლონისა ყოვლისაგან ულონო ვართ“—ო (აქვე).

საეკლესიო კრების მონაწილენი ეტყობა ერთგვარ უხერხულობასა გრძნობდენ, რომ მთავრობასა და სამწყსოსთან ქონებრივი საკითხის გამო ასეთი მტრული განწყობილება და განხეთქილება უნდა ჩამოვარდნილიყო, რომ მთელი თავისივე სამრევლოს დაკრულვა ბოლოს-და-ბოლოს ამქვეყნური ავლადიდების გამო უნდა მომხდარიყო ისე, რომ სამღვდელოების მოქმედება აღამიანს უნებლიერ ანგაარებით ნაკარნახევად შეიძლება სჩვენებოდა. საეკლესიო კრება ცდილობდა მეფესთვის ამ ეჭვის უსაფუძვლობა შთაეგონებინა და დაერწმუნებინა: „[არა] თუ ჩუენთუის და ჩუენისა შეძენისათუის გიწყინებით, მაგრა საღმრთოდ

[შე]წირულისა სამღრთოდავე კამს ქონებად და მიყენებად და თუით საყდართა ქონებად დიდად უფრო[ს] თქუენი ქონებად ა“-ო აქვე).

საექლესიო კრების მონაწილეთ ჰსურდათ მეფეცა და სხვებიც დაერწმუნებინათ, რომ ანგარება და პირადი სარგებლობის ინტერესი-კი არ ალაპარაკებდათ, არამედ საღმრთო სჯულის დარღვეული კანონების აღდგენის წადილი. თავიანთ განცხადებაში ბოლოს პირდაპირ ნათქვამიცა აქვთ: „საღმრთონი სჯული მეფეთაცა ზედა მთავრობად ბრძანებულან და საღა ღმერთი დაგუჭირდების, მუნ ყოველსავე შეურაცხვჲოთ“-ო (აქვე).

თუმცა საექლესიო კრების ძეგლისწერაში სხვადასხვა ადგილას აღნიშნულია, რომ სამღვდელოება საქართველოს ეკლესიის უფლებათა შელახვისათვის პასუხისმგებელად თვით მეფე ულუ-დავითსა სთვლიდა, მაგრამ კრების მონაწილეთ ეტყობა უნდოდათ მეფისათვის მაინც ეგრძნობინებინათ, რომ ნამდვილ დამნაშავედ მათ მისი ვაზირები მიაჩნდათ და მთავარი დამნაშავე-კი ის ვაზირი იყო, რომელმაც მეფეს შეწირული მიწების გაცემა ფინანსური გაჭირვების შესამსუბუქებელ საშუალებად წარმოუდგინა.] მოხსენების წერის დროს, ამ ვაზირისადმი უაღრესი სიძულვილით გამსჭვალულ კრებას იმდენად თავი ვერ შეუკავებია, რომ მას ამ დანაშაულობისათვის ღვთის დიდ რისხვასა და შავბედითს დასასრულს უქადდა: „ღმრთისათვის შეწირულთა ადგილთა ვაზირი მაწუეველი, მაქნეველი და მნებებელი გაცემისად ვითარცა არა ღმრთისაგან რისხვეულ იქმნა? და ვინც იკადრებს და გაქნევს,— ვითა კეთილის მამოქმედებელს კეთილი ნ[იჭ]ი მიენიჭების ღმრთისა მიერ, ეგრეთვე ბოროტისა მიზეზი ბოროტსა მოისთვლებს“-ო (აქვე).

§ 7. საეპლესიო კრების მოხსენებისა და ულტიმატუმის მიზანი დაგენერირების მიზანი და საჭირო მიმღებელი მიმღებელისადმი.

გაიმარჯვეა, თუ არა, საქართველოს სამღვდელოებამ, მიაღწია, თუ არა, თავის მიზანს საეკლესიო კრებამ? მისი ძეგლისწერის დასასრული სიტყვები ისეთი შეურყეველი გა-დაწყვეტილებით არის გამსჭვალული, რომ უკან დასახევი გზა არა ჩანს. მეფისადმი მირთმეული ულტიმატუმი ასე თავდებოდა: „აშ აქა შეყრილნი და გაურყორელნი და მომ-ლოდენი ამისისა დაურვებისანი უოველნივე აქა ვართ და ულოცავთ წმიდასა მეფეთ-მეფობასა თჭირნისა“—ო (აში)

ბრძოლა იმდენად გამწვავებული იყო, ხოლო მოხსენია საეკლესიო კრებას ისე კატეგორიულად ჰქონდა წარმოთქმული, რომ ეს უთანხმოება თითქოს მხოლოდ საქართველოს მთავრობის დამობას შეეძლო. ჩაექრო, რაოგან უამისოდ საეკლესიო კრება თავისი მუქარის განხორციელებას უნდა შესდგომოდა. მაშასადამე, გამოსარკვევია, დაუთმო, თუ არა, საეკლესიო კრებას საქართველოს მთავრობამ და, თუ არა, სახელდობრ რა შედეგი მოჰყვა ამას?

ქართველი ჟამთააღმდევრელის თხზულებით-
განა ჩანს, რომ მეფე ულუ-დავითსა და მთავრობას სამღვ-
დელოების მუქარისა არც შეპშინებია და არც უკან დაუ-
ხევია. პირიქით, მეფეს ამ საკითხში მოქმედების ერთხელ
არჩეული გეზი სიკვდილამდის არ შეუცვლია. ჩვენ ისტო-
რიკოსს ულუ-დავითზე დამტყდარი ოჯახური უბედურება,
პირმშო ძის, უდროვო სიკვდილი და თვით მეფის მუცლის
სნეულებისაგან გარდაცვლაც-კი სწორედ ამისთვის მოვ-
ლენილ ღვთის რისხვად მიაჩნდა. ჟამთააღმდევრელს
ნათქვამი აქვს: ულუ-დავითს რომ მუცლის ავადმყოფობა
შეპშედა და მკურნალთა წამლობამაცა და მარტყოფის ხატ-
თან ლოცვამაც ვერა უშველა რა, „არღარა პოვა ლხინება

ამისთვეს, რამეთუ მოაკლო დმრთის მსახურება და იწყო
რღვევად საყდართა და „შლად [მონასტერთა]“. ამისთვის
ალილო დმერთმან კელი წყალობისა და პირველ წელთა
მოკუდა ძე მისი პირმშო გიორგი, სიკეთე აღმატებული, და
აქა მიიცვალა დავითცა“ -ო (* 867, გვ. 711). საკმარისია
ამავე ისტორიკოსის საეკლესიო მიწების გაცემის შესახები
პირველი ცნობა გავიხსენოთ, სახელდობრ, რომ მასაც საყ-
დართა და მონასტერთა „რღვევა“ -სა და „შლა“ -ს უწო-
დებს, რომ ცხადი შეიქმნეს, რომ აქაც სწორედ საეპის-
კოპოზო საყდრებისა და მონასტრებისათვის შეწირული
მიწების გაცემას ჰგულისხმობს. ულუ-დავითს რომ საეკლე-
სიონ კრებისათვის დაეთმო და ეკონომიური პოლიტიკა
შეეცვალა, ქართველი ისტორიკოსი პირველი ცნობის შემ-
დგომ ამ გარემოებას, უცველისა, საღმე აღნიშნავდა და მე-
ფის სიკვდილის ამბავში ზემომოყვანილ წინადაღებას აღარ
ჩაურთავდა. მაშასადამე, საეკლესიო კრების მთელ საბუ-
თიანობასა, ვედრებასა და მუქარასაც სრულებით ამაოდ
ჩაუვლია: საქართველოს მეფისა და მთავრობის ეკონო-
მიურ-ფინანსიური პოლიტიკა არ შეცვლილა.

რაკი გამოირკვა, რომ საქართველოს მეფემა და მთავ-
რობამ თავისი პოლიტიკა არ შესცვალა და საეკლესიო
კრების ულტიმატუმმა, მაშასადამე, ვერ გასჭრა, საინტე-
რესოა, თუ რა გზას დაადგა ამის შემდგომ სამღვდელოე-
ბა: აასრულა, თუ არა, მან თავისი მუქარა, დაკეტა, თუ
არა, ყველა ეკლესიები, შეაჩერა, თუ არა, საიდუმლოება-
თა აღსრულება?

საეკლესიო კრების ძეგლისწერის ის ნაწილი, საფაც
ამ უკიდურეს საშუალებაზეა საუბარი, ისე გადაჭრით არის
გამოთქმული, რომ მთავრობისაგან უარყოფითი პასუხის
მიღებისთანავე, საფიქრებელი იყო, რომ მუქარა ასრულე-
ბული უნდა ყოფილიყო, მაგრამ ქართველი უამთა აღმ-
წერელი ამაზე არაფერს ამბობს. ასეთი არაჩვეულებრივი

ამბავი-კი რომ საქართველოში დატრიალებულიყო, სრულებით დაუჯერებელია, რომ ამის შესახებ რაიმე ცნობა არ ჰქონიდა. ამიტომ უნდა ვითქიქროთ, რომ, დინჯი მსჯელობის შემდგომ, საეკლესიო კრებას ასეთი უკიდურესი საშუალების საბრძოლველ იარაღად გამოყენება სახითა-თოდ მიუჩნდება და მუქარის განხორციელებას არ შესდგომია.

თუ ამ საეკლესიო კრების ძეგლისწერასა და მიმართვას ჩატარებით, ცხადი გახდება, რომ უკვე პირველი მსჯელობის დროსვე კრებას ამ საშუალებისათვის მიმართვის მთელი საშიშროება კარგად ჰქონია გათვალისწინებული და ეს მუქარა, როგორც ეტყობა, იმდენად განსახორციელებლად არ ჰქონია განხრასული, რამდენადაც მეფისა და სამწყსოს შესაძრწუნებლადა და შესაშინებლად ნახმარი ფანდი იყო. საეკლესიო კრების მეფისადმი მირთმეულ ულტიმატუმში მუქარას შემდეგი დამახასიათებელი სიტყვები მისდევდა: „და ნუ თუ ამისითა ქნითა (ე. ი. ეკლესიების დაკეტვითა და შეჩვენებით) სხუა სჯულთა და სხუას ტომთაგან მეფობასა თქუენსა საწყინო რამზე შემოუგიდეს და სჯულიცა ჩუენი დაკნინდეს? ეზომისა კადნიერებისა და წყენისა კადრებისათვის, ვითა საშინელისა, ღმრთისა საშინელებათაგან ვძრწით და ვიში-შვით“-ო (აქვე).

ზემომოყვანილი შინადაბებითგან ცხადადა ჩანს, რომ საეკლესიო კრებას ესმოდა, თუ რამდენად სახითათო საშუალება იყო ის, რის განხორციელებასაც მეფესა და სამწყსოს ემუქრებოდა, და, ეტყობა გრძნობდა, რომ ამით შესაძლებელი იყო თვით ეკლესიასვე ეზარალა და უფრო უარესად დაცემულ-დაკნინებულიყო. ცხადია, ამავე შიშმა და შეგნებამ დაიცვა კრება ამ უკიდურესი ნაბიჯის გადადგმისაგანაც.

როგორც მებრძოლი და მეომარი, რომელსაც მოწინააღმდეგესაგან შიში და ძრწოლა ვერ დაუმალია, თავისი მლელვარების გამომულავნებით თავისივე მტერის გამბედამდას აძლიერებს, ისევე საეკლესიო კრების მიმართვაში შეჩვენების მუქარის შემდგომ შიშისა და ძრწოლის შესახები წინადადებისა და ცნობის ამოკითხვა მეფეს და სართველოს მთავრობას დაარწმუნებდა, რომ ეკლესიის მუხა საშიშარს არაფერს არ წარმოადგენდა. ამიტომ შელებელია ითქვას კიდევაც, რომ საეკლესიო კრებამ კისს დამარცხებას ნაწილობრივ თითონაც შეუწყო ხელი.

§ 8. შურისძიება მარცხისთვის.

ექლესია და ეკლესიის მსახურნი თავის ასეთ დამარცხებასა და დამცირებას, რასაკვირველია, ასე ადვილად ვერ შეურიგდებოდენ: მათი გული საეკლესიო მიწების გაცემის გეგმის შემმუშავებელისა და განმახორციელებელისადმი, რა თქმა უნდა, წყრომითა და სიძულვილით წინანდელზე უფრო მეტად იქნებოდა ავსებული. მართლაც, ზევით უკვე გვქონდა ულუ-დავითის სიკვდილის შესახებ ქართველი უამთააღმწერე ლისა, თუ მისი წყაროს ცნობა მოყვანილი, სადაც მეფის სენისაგან განუკურნებლობა და სიკვდილი საეკლესიო მიწების გაცემისათვის ღვთაებისაგან მოვლენილ რისხვადა და სასჯელად არის წარმოდგენილი. ამასთანავე აღსანიშნავია ის განზრახი გაზვიადებაც, როგორადაც მეფეთაგან საეკლესიოდ შეწირული მამულების გაცემის ამბავია მოთხრობილი, როდესაც, საქმის ნამდვილი ვითარების გადმოცემის მაგიერ, მთელი ეს ეკონომიურ-ფინანსიური ღონეობა ნაწოდებია „შლად საყდართა საეპისკოპოსოთა“, (*გვ. 696) ანდა „რღვევად საყდართა და შლად“ (*867, გვ. 711). ამასვე

უნა ჰელლისხმობდეს ჩვენი ისტორიკოსი, როდესაც ულუ-და-
ვითზე ამბობს „მოაკლო ლმრთის მსახურებას“-ო (* 867,
გვ. 711).

თუ სამღვდელოების მძულვარებამ მეფის პიროვნე-
ბაც-კი არ დაინდო, ადვილი წარმოსადგენელია, რაოდე-
ნი შხამი იქნებოდა დანთხეული საქართველოს მაშინდელი
მთავრობის იმ ვაზირთა-უპირველესის განსაქიქებლად და
გაპირშავებისათვის, რომელიც საეკლესიო უძრავი ქონები
გაცემის „მნებებელი“, „მაწვეველი“ და ნამდვილი „მაჭ-
ველი“ იყო. აკი მას მისი მომავალი ჯერ კიდევ საეკლესი-
კრებამ გაუთვალისწინა და უწინასწარმეტყველა, რომ
„ბოროტისა მიზეზი ბოროტსა მოისთულებს“-ო! და აი მართ-
ლაც, ყოვლად ძლიერი და გაბედული ვაზირთა-უპირვე-
ლესისა და მწიგნობართ-უხუცესის ჭყონდიდელ-უჯარმე-
ლის, ბასილის, ბედიც ხომ უკულმა დატრიალდა!..

უამთააღმწერელი მოგვითხრობს, რომ ბასილ-
ზე ხმა გაუცრცელებიათ, „სიტყუაცა იყო, ესუქნის (დე-
დოფალს) თანა-ეყო. ამისთვის შესმენილ იქმნა ბასილი წი-
ნაშე მეფისა, რომელმან სწრაფლ მოიყუანა და ბრძანა ძელ-
სა დამოკიდება. დამოკიდეს ძელსა შუა ქალაქსა“-ო (* 846,
გვ. 691). ამ ამბავს ჩვენი ავტორი კვლავ უბრუნდება და
იქ ზოგიერთში უფრო ვრცელი ცნობებია. მისი სიტყვით,
ბასილი უჯარმელი „მოაკუდინა მეფემან უწესოებისათვის:
თანა-ეყო ბასილი ესუქნის და არა პრიდა საწოლსა პა-
ტიოსანსა მეფისასა ჩოკანიცა ალიკადნა და მთავრობაც
მიიტაცა,—ამის უწესოებისათვის მოიკლა ბასილი“-ო
(* 867, გვ. 712).

ულუ-დავითთან ბასილი, მაშისადამე, დაუსმენიათ,
დედოფალთან სქესობრივი კავშირი აქვსო. ეს დასმენა
ხმებზე და ჭორებზე უნდა ყოფილიყო დამყარებული: ამას
უამთააღმწერელის გამონათვამიც ჰმოწმობს „სიტ-
ყუაცა იყო“-ო. ამ ბრალდების საფუძვლიანობა რომ თვით

მასაც არ სჯეროდა, ამას ჩვენი ისტორიკოსის უკანასკნელი სიტყვები ცხად-ჰყოფენ. იმ საშინელი სასჯელის მოხსენების შემდგომ, რომლითაც ულუ-დავითს საქართველოს ვაზირთა-უპირველესი დაუსჯია, მას ასეთი მეტად დამახასიათებელი წინადაღება აქვს დართული: „რამეთუ იყო მეფე მალე-მორწმუნე და ლიტონიცა“-ო (* 846, გვ.692).

შემდეგ, მეფე რომ ასეთი გულუბრყვილო არ ყოფილი და ისეთი ხასიათი არ ჰქონოდა, რომ ყველაფერს, რაზი ეტყოდენ, ადვილად იჯერებდა, შესაძლებელია ესე არ დატრიალებულიყო. ხოლო, თუ გავიხსენებთ, ომ საეკლესიო მიწების გაცემის „მნებებელი“, „მაწვეველი“ და „მაქნეველი“, როგორც დავრწმუნდით, ბასილი ჭყონდიდელ-უჯარმელი უნდა ყოფილიყო, რომლისადმი ამის გამოც და იმიტომაც, რომ სასულიერო ტანისამოსის გახდა და საეროს ჩაცმაც გაბედა, სამღვდელოების მთელი სიძულვილი იქნებოდა მიმართული, მაშინ შესაძლებელია ისეთი ეჭვიც-კი წამოიჭრას, რომ ეგების ვაზირთა-უპირველესზე საბედისწერო ჭორებისა და ხმების გასავრცელებლად ნიადაგი სწორედ საეკლესიო მიწების გაცემით აღძრული ძლიერი სიძულვილით იყო მომზადებულ-გაპოხიერებული.

პარლამენტის კროკენული ბიბლიოთეკა



K 8.587/2